

# 菩提法門經典

藥師琉璃光如來本願功德經

般若波羅蜜多心經

金剛般若波羅蜜經

大方廣圓覺修多羅了義經

死盡無業集滅道無者忘無得無所以無所以得  
故業提薩埵依般若波羅奢多故心  
無罣碍無罣碍的故無有恐怖遠離顛  
倒夢想究竟涅槃三世諸佛依般若  
波羅奢多故得阿耨多羅三藐三菩提故  
知般若波羅奢多是大神咒是大明咒是  
无上咒是無等等咒能除一切業惑實不  
虛故說般若波羅奢多咒即說咒曰揭諦  
揭諦波羅揭諦波羅僧揭諦菩提薩婆訶

般若波羅蜜多心經

觀自在菩薩以深般若波羅蜜多時照見  
五蘊皆空度一切苦厄舍利子色不異空  
空不異色色即是空空即是色受想行識  
亦復如是舍利子是諸法空相不生不滅  
不垢不淨不增不減是故空中無色  
無受想行識無眼耳鼻舌身之意無色  
聲香味觸法無眼界乃至無意識界  
無無明無無明盡乃至無老死無老死

死盡無業集滅道無者忘無得無所以無所以得  
故業提薩埵依般若波羅奢多故心  
無罣碍無罣碍的故無有恐怖遠離於  
倒妄想究竟涅槃三世諸佛依般若  
波羅奢多故得阿耨多羅三藐三菩提故  
知般若波羅奢多是大神咒是大明咒是  
无上咒是無等等咒能除一切業惑實不  
虛故說般若波羅奢多咒即說咒曰揭諦  
揭諦波羅揭諦波羅僧揭諦菩提薩婆訶



# 菩提法門經典

藥師琉璃光如來本願功德經  
般若波羅蜜多心經  
金剛般若波羅蜜經  
大方廣圓覺修多羅了義經



南無  
本師釋迦牟尼佛



### 釋迦牟尼佛唐卡

釋迦牟尼佛唐卡由一位長年致力於修行的西藏老畫師敦珠所繪製。為感念金菩提宗師的救命之恩，老畫師於自知即將圓寂之前，在誦佛靜心中精心繪製了此幅唐卡，歷時一年始完成，可謂嘔心瀝血之作。現由金菩提宗師所珍藏，殊勝非凡。



南無  
大慈大悲觀世音菩薩





## 顯 聖 觀 音 像

大慈大悲觀世音菩薩於二〇〇三年七月十八日（農曆六月十九日）成道紀念日當天，顯聖像於溫哥華金菩提宗師住所上空，以慈悲之眼俯視芸芸眾生。其面容、寶冠、天衣、淨瓶、楊柳枝均清晰可見，預示著菩提法門將如觀世音菩薩般尋聲救苦，廣傳世間。



頂禮  
大慈大悲金菩提宗師




### 金菩提宗師法照

金菩提宗師是當代的大成就者，早年於青藏高原修行十八載，獲得證悟。一九九一年出山弘法，開創菩提法門——即藥師佛法門，致力實踐藥師佛的慈悲大願，濟世救人，至今已幫助數千萬人解除身心疾苦，重獲生命的陽光。



來東船法  
岸至生眾度



### 法 船 東 來

二〇〇九年九月一日大勢至菩薩聖誕日，金菩提宗師於禪境中觀見東方淨琉璃世界，藥師琉璃光如來有感於眾生痛苦絕望的呼喚，眼中落下一滴淚珠，幻化成巨大的法船，度眾生至彼岸。出得禪境，遂繪製出此幅殊勝無比的畫作。



# 浴佛禮讚

金菩提宗師 二〇一〇年五月二十一日

大慈大悲的佛陀 天地間最尊貴的覺者  
我以至真至純之心 感恩您的降臨

是您的呵護，讓我走出荊棘  
是您的妙法，讓我身心安康  
是您的博愛，讓我海納百川  
是您的大願，讓我永世追隨


是您的目光，讓我看透真相  
是您的莊嚴，讓我勇於承擔  
是您的威德，讓我告別懦弱  
是您的教化，讓我得以覺醒



是您的感召，讓我迷途知返  
是您的智慧，讓我愚頑頓開  
是您的光芒，讓我點燃心燈  
是您的慈悲，護佑天下太平

我願千萬次輪迴  
拜倒在您腳下  
盼恆久與您重逢  
承接您的法藏

我願千萬次輪迴  
將您的慈悲播撒  
令弱者品嘗甘露  
讓一切眾生自在吉祥







# 目 錄

印經緣起 .....	02
藥師琉璃光如來本願功德經 .....	11
般若波羅蜜多心經 .....	57
金剛般若波羅蜜經 .....	71
大方廣圓覺修多羅了義經 .....	123
弘揚經教 廣種福田 .....	206
國際菩提禪修機構主要禪堂聯絡方式 .....	213



## 印經緣起

無上甚深微妙法 百千萬劫難遭遇  
我今見聞得受持 願解如來真實義

一段開經偈，道出佛法的珍貴稀有。在佛法大成就者金菩提宗師的心中，每一部經典均是無上寶典，每一部經典也都蘊含著甚深禪修密法，悟一字而知一個世界。

幾千部佛經如浩瀚的寶庫，每一部，都是佛陀應機施教的思想精華。古往今來，有無數的大德與先哲，為之付出了畢生的精力。但是隨著時間的推移，其深奧的文字、文言的對白，往往令現代學佛者望而止步。



金菩提宗師深明現代學佛人的渴求，往往將佛陀教法的核心與佛經的真義融入通俗易懂的開示中，用最淺顯的語言傳授給所有有緣人。尤其宗師深知眾生之苦，特別教授令眾生解脫煩惱、身心光明的禪修妙法，使修持者獲得身心光明與健康，進而對佛法生起信心，三十多年來，受益者達數千萬人。

近年來，因求法者眾多，而大眾慧根各自不同，各有所需，有感於因緣成熟，宗師開始應緣講述《藥師琉璃光如來本願功德經》、《金剛般若波羅蜜經》、《般若波羅蜜多心經》等重要經典，其平易近人的語言、幽默風趣的譬喻，總能令聽聞者身心清涼。

宗師更在機緣成熟之時，深入解說佛經



中的禪修密法，引領修行者真正獲得佛經帶來的無邊利益：

在甚深的禪定修行引導中，金菩提宗師一次次深入開示《般若波羅蜜多心經》，引領無數有緣人進入色不異空、空不異色的美妙禪境。

在多次的禪修班上，金菩提宗師開示《藥師琉璃光如來本願功德經》，從藥師佛的大願深入解說《藥師大光明修持法》的深義，並開示大妙觀察智等密法。每次開班期間，日月同輝，彩虹當空，諸佛、菩薩一次次顯現聖像。諸多的修行者均獲得吉祥的幫人能力。



二〇一三年，金菩提宗師手捧《金剛般若波羅蜜經》，於台灣台北首次面對全球宣講五行五色觀密法。場內有天人、龍天護法環繞，還有諸佛、菩薩護佑加持，令無數修行者感動、開悟、成就……。

聆聽金菩提宗師妙法的受益者，紛紛祈請宗師，希望能夠印製經文，供更多大眾學習、誦持，得到這份加持。有感於印製根本經典的機緣成熟，金菩提宗師遂應允印製菩提法門佛經，親自選定《藥師琉璃光如來本願功德經》、《金剛般若波羅蜜經》、《般若波羅蜜多心經》、《大方廣圓覺修多羅了義經》四部經典合為一帙，作為大眾日常課誦之隨身經典，以便大眾將經典與宗師的開示對照誦讀。



這部經典，得諸佛、菩薩護佑加持，得金菩提宗師慈悲能量加持，字裡行間更有甚深妙法，只要潛心研讀、用心體悟，就能與金菩提宗師的禪修能量相應，將會令誦讀者吉祥富貴，智慧圓滿。

菩提法門的經典，往往有不可思議的能量，將其供奉在家中，就能感受到家中開始有吉祥的場能，夜裡愛哭的孩子可能就不再哭泣；家中不安寧的，可能從此太平；放在枕邊，失眠的人可能從此一夜好眠，頭痛的人可能不再頭痛；供奉車中，可能遇難呈祥；供奉在辦公室裡，可能令事業出現轉機甚至起死回生。還有更多更多的實例在世界各地發生著。供奉吉祥得吉祥，希望有緣的您，能夠得大吉祥如意。



佛經就是一扇門，走進門去看到的就是另一番景象。我們最初對佛的印象是在經典裡，而讀過幾遍後，自然能夠感受到佛陀就在你身旁，或者，無處不在。只要細心、恭敬地去體會，慢慢地就會融合在佛陀慈悲智慧的世界裡。

祝願發心助印者得無上功德，福慧圓滿，即身成就！

菩提法門印經編輯部 敬上

二〇一四年二月二十八日



南無大慈大悲釋迦牟尼佛！

南無東方琉璃消災延壽藥師佛！

南無大慈大悲千手千眼觀世音菩薩！

頂禮大慈大悲金菩提宗師！





### 藥師佛唐卡

藥師佛為菩提法門的主供佛，右手執尊勝訶梨勒（訶子藥）果枝，左手捧著藥鉢，結跏趺坐於蓮花寶座中央，周身放射出大光明，普照眾生。藥師佛於因地菩薩時曾發十二大願，為眾生解除疾苦，使眾生諸根圓滿具足，趨入解脫。



ᠠᠶᠢᠲᠤ ᠣᠮ ᠪᠡᠵᠠᠨᠵᠡ ᠪᠡᠵᠠᠨᠵᠡ  
ᠮᠠᠬᠤ ᠪᠡᠵᠠᠨᠵᠡ ᠷᠠᠳᠵᠠ ᠰᠠᠮᠤᠳᠦᠭᠠᠲᠤ ᠰᠣᠬᠤ

Tayata Om Bekanze Bekanze  
Maha Bekanze Radza Samudgate Soha

ᠮᠡᠵᠢᠬᠡ ᠠᠨ ᠪᠡᠵᠠᠨᠵᠡ ᠪᠡᠵᠠᠨᠵᠡ  
ᠮᠠᠬᠤ ᠪᠡᠵᠠᠨᠵᠡ ᠯᠢᠵᠠ ᠰᠠᠳᠤᠭᠠᠲᠤ ᠰᠣᠬᠤ

《藥師佛心咒》



# 藥師琉璃光如來本願功德經

唐三藏法師玄奘奉詔譯



## 爐香讚（合掌）

爐香乍爇 法界蒙薰 諸佛海會悉遙聞

隨處結祥雲 誠意方殷 諸佛現全身

南無香雲蓋菩薩摩訶薩（三稱）

## 淨身業真言

唵 修多利 修多利 修摩利 修摩利

娑婆訶（三遍）

## 淨口業真言

唵 修利修利 摩訶修利 修修利

娑婆訶（三遍）



## 淨意業真言

唵 嚩日囉 怛訶賀斛（三遍）

## 安土地真言

南無三滿多 沒馱喃 唵 度嚕度嚕

地尾娑婆訶（三遍）

## 普供養真言



唵 誝誝曩 三婆嚩伐日囉斛（三遍）



## 發願文（合掌）

稽首三界尊 皈命十方佛

我今發宏願 持此藥師經

上報四重恩 下濟三塗苦

若有見聞者 悉發菩提心

盡此一報身 同生琉璃國

親覲大慈父 慇懃聞真諦

學習獅子吼 回返娑婆地

度眾脫苦海 弘法利群迷





## 奉請十二藥叉大將（合掌）

奉請宮毗羅大將 奉請伐折羅大將

奉請迷企羅大將 奉請安底羅大將

奉請頰儻羅大將 奉請珊底羅大將


奉請因達羅大將 奉請波夷羅大將

奉請摩虎羅大將 奉請真達羅大將

奉請招杜羅大將 奉請毗羯羅大將

南無藥師會上佛菩薩（三稱）

南無本師釋迦牟尼佛（三稱）





## 開經偈

無上甚深微妙法

百千萬劫難遭遇

我今見聞得受持

願解如來真實義







## 藥師琉璃光如來本願功德經

唐三藏法師玄奘奉詔譯

如是我聞：一時，薄伽梵遊化諸國，至廣嚴城，住樂音樹下。與大苾芻眾八千人俱，菩薩摩訶薩三萬六千，及國王、大臣、婆羅門、居士、天、龍、藥叉、人、非人等，無量大眾，恭敬圍繞，而為說法。

爾時，文殊師利法王子，承佛威神，從座而起，偏袒一肩，右膝著地，向薄伽梵，曲躬合掌，白言：「世尊！惟願演說如是相類諸佛名號，及本大願殊勝功德，令諸聞者業障消除，為欲利樂像法轉時諸有情故。」



爾時，世尊讚文殊師利童子言：「善哉！善哉！文殊師利！汝以大悲，勸請我說諸佛名號、本願功德，為拔業障所纏有情，利益安樂像法轉時諸有情故。汝今諦聽，極善思惟，當為汝說。」文殊師利言：「唯然！願說，我等樂聞。」

佛告文殊師利：「東方去此過十殑伽沙等佛土，有世界名淨琉璃，佛號藥師琉璃光如來、應、正等覺、明行圓滿、善逝、世間解、無上士、調御丈夫、天人師、佛、薄伽梵。文殊師利！彼世尊藥師琉璃光如來，本行菩薩道時，發十二大願，令諸有情，所求皆得。」



第一大願：願我來世得阿耨多羅三藐三菩提時，自身光明，熾然照耀無量無數無邊世界，以三十二大丈夫相、八十隨形，莊嚴其身，令一切有情，如我無異。

第二大願：願我來世得菩提時，身如琉璃，內外明徹，淨無瑕穢，光明廣大，功德巍巍，身善安住，燄網莊嚴，過於日月；幽冥眾生，悉蒙開曉，隨意所趣，作諸事業。

第三大願：願我來世得菩提時，以無量無邊智慧方便，令諸有情，皆得無盡所受用物，莫令眾生有所乏少。



第四大願：願我來世得菩提時，若諸有情行邪道者，悉令安住菩提道中；若行聲聞獨覺乘者，皆以大乘而安立之。

第五大願：願我來世得菩提時，若有無量無邊有情，於我法中修行梵行，一切皆令得不缺戒，具三聚戒。設有毀犯，聞我名已，還得清淨，不墮惡趣。

第六大願：願我來世得菩提時，若諸有情，其身下劣，諸根不具，醜陋、頑愚、盲、聾、瘖、瘰、癩、癱、瘓、背偻、白癩、顛狂，種種病苦；聞我名已，一切皆得端正黠慧。諸根完具，無諸疾苦。



第七大願：願我來世得菩提時，若諸有情，眾病逼切，無救無歸，無醫無藥，無親無家，貧窮多苦，我之名號，一經其耳，眾病悉除，身心安樂，家屬資具，悉皆豐足，乃至證得無上菩提。

第八大願：願我來世得菩提時，若有女人，為女百惡之所逼惱，極生厭離，願捨女身；聞我名已，一切皆得轉女成男，具丈夫相，乃至證得無上菩提。

第九大願：願我來世得菩提時，令諸有情，出魔羅網，解脫一切外道纏縛；若墮種種惡



見稠林，皆當引攝置於正見，漸令修習諸菩薩行，速證無上正等菩提。

第十大願：願我來世得菩提時，若諸有情，王法所錄，縲縛鞭撻，繫閉牢獄，或當刑戮，及餘無量災難，凌辱，悲愁煎逼，身心受苦；若聞我名，以我福德威神力故，皆得解脫一切憂苦。

第十一大願：願我來世得菩提時，若諸有情，饑渴所惱，為求食故造諸惡業；得聞我名，專念受持，我當先以上妙飲食，飽足其身；後以法味，畢竟安樂而建立之。



第十二大願：願我來世得菩提時，若諸有情，貧無衣服，蚊虻寒熱，晝夜逼惱；若聞我名，專念受持，如其所好，即得種種上妙衣服，亦得一切寶莊嚴具，花鬘塗香，鼓樂眾伎，隨心所翫，皆令滿足。

文殊師利！是為彼世尊藥師琉璃光如來、應、正等覺，行菩薩道時，所發十二微妙上願。

復次，文殊師利！彼世尊藥師琉璃光如來，行菩薩道時所發大願，及彼佛土功德莊嚴，我若一劫，若一劫餘，說不能盡。然彼佛土，一向清淨，無有女人，亦無惡趣，及苦音聲。



琉璃為地，金繩界道，城、闕、宮、閣、軒、窗、羅網，皆七寶成。亦如西方極樂世界，功德莊嚴，等無差別。於其國中，有二菩薩摩訶薩：一名日光遍照，二名月光遍照，是彼無量無數菩薩眾之上首，次補佛處，悉能持彼世尊藥師琉璃光如來正法寶藏。是故，文殊師利！諸有信心善男子、善女人等，應當願生彼佛世界。」

爾時，世尊復告文殊師利童子言：「文殊師利！有諸眾生，不識善惡，唯懷貪吝，不知布施及施果報，愚癡無智，闕於信根，多聚財寶，勤加守護；見乞者來，其心不喜，設





不獲已而行施時，如割身肉，深生痛惜。復有無量慳貪有情，積集資財，於其自身尚不受用，何況能與父母、妻子、奴婢、作使，及來乞者？彼諸有情，從此命終，生餓鬼界，或旁生趣。由昔人間，曾得暫聞藥師琉璃光如來名故，今在惡趣，暫得憶念彼如來名，即於念時，從彼處沒，還生人中，得宿命念，畏惡趣苦，不樂欲樂，好行惠施，讚歎施者，一切所有悉無貪惜，漸次尚能以頭目手足，血肉身分，施來求者，沉餘財物。

復次，文殊師利，若諸有情，雖於如來受諸學處，而破尸羅；有雖不破尸羅，而破軌則；



有於尸羅、軌則，雖得不壞，然毀正見；有雖不毀正見，而棄多聞，於佛所說契經深義不能解了；有雖多聞而增上慢，由增上慢覆蔽心故，自是非他，嫌謗正法，為魔伴黨。如是愚人，自行邪見，復令無量俱胝有情，墮大險坑。此諸有情，應於地獄、旁生、鬼趣，流轉無窮。若得聞此藥師琉璃光如來名號，便捨惡行，修諸善法，不墮惡趣，設有不能捨諸惡行，修行善法，墮惡趣者，以彼如來本願威力，令其現前暫聞名號，從彼命終還生人趣，得正見精進，善調意樂，便能捨家趣於非家，如來法中，受持學處，無有毀犯；正見多聞，解甚深義，離增上慢，不



謗正法，不為魔伴，漸次修行諸菩薩行，速得圓滿。

復次，文殊師利！若諸有情，慳貪嫉妒，自讚毀他，當墮三惡趣中，無量千歲受諸劇苦；受劇苦已，從彼命終，來生人間，作牛、馬、駝、驢，恆被鞭撻，饑渴逼惱；又常負重，隨路而行。或得為人，生居下賤，作人奴婢，受他驅役，恆不自在。若昔人中，曾聞世尊藥師琉璃光如來名號，由此善因，今復憶念，至心歸依。以佛神力，眾苦解脫，諸根聰利，智慧多聞，恆求勝法，常遇善友，永斷魔羅，破無明殼，竭煩惱河，解脫一切生、老、病、死，憂愁、苦惱。



復次，文殊師利！若諸有情，好喜乖離，更相鬥訟，惱亂自他，以身語意，造作增長種種惡業，展轉常為不饒益事，互相謀害。告召山林樹塚等神；殺諸眾生，取其血肉，祭祀藥叉羅剎婆等；書怨人名，作其形像，以惡咒術而咒詛之；魘魅蠱道，咒起屍鬼，令斷彼命，及壞其身。是諸有情，若得聞此藥師琉璃光如來名號，彼諸惡事，悉不能害。一切展轉皆起慈心，利益安樂，無損惱意及嫌恨心；各各歡悅，於自所受生於喜足，不相侵凌，互為饒益。

復次，文殊師利！若有四眾：苾芻、苾芻尼、



鄔波索迦、鄔波斯迦，及餘淨信善男子、善女人等，有能受持八分齋戒，或經一年，或復三月，受持學處，以此善根，願生西方極樂世界無量壽佛所，聽聞正法，而未定者。若聞世尊藥師琉璃光如來名號，臨命終時，有八大菩薩，其名曰：文殊師利菩薩、觀世音菩薩、得大勢菩薩、無盡意菩薩、寶檀華菩薩、藥王菩薩、藥上菩薩、彌勒菩薩。是八大菩薩乘空而來，示其道路，即於彼界種種雜色眾寶花中，自然化生。或有因此生於天上，雖生天上，而本善根亦未窮盡，不復更生諸餘惡趣。天上壽盡，還生人間，或為輪王，統攝四洲，威德自在，安立無量百千



有情於十善道；或生剎帝利、婆羅門、居士大家，多饒財寶，倉庫盈溢，形相端正，眷屬具足，聰明智慧，勇健威猛，如大力士。若是女人，得聞世尊藥師琉璃光如來名號，至心受持，於後不復更受女身。

復次，文殊師利！彼藥師琉璃光如來得菩提時，由本願力，觀諸有情，遇眾病苦，瘦癯、乾消、黃熱等病，或被魘魅蠱毒所中，或復短命，或時橫死，欲令是等病苦消除，所求願滿。

時彼世尊入三摩地，名曰除滅一切眾生苦



惱。既入定已，於肉髻中，出大光明，光中演說大陀羅尼曰：『南謨薄伽伐帝 鞞殺社 窣嚩薜琉璃 鉢喇婆 喝囉闍也 怛他揭多耶 阿囉喝帝 三藐三勃陀耶 怛姪他 唵 鞞殺逝 鞞殺逝 鞞殺社 三沒揭帝 娑訶。』爾時光中說此咒已，大地震動，放大光明，一切眾生病苦皆除，受安隱樂。

文殊師利！若見男子、女人，有病苦者，應當一心為彼病人，常清淨澡漱，或食、或藥，或無蟲水，咒一百八遍，與彼服食，所有病苦悉皆消滅。若有所求，至心念誦，皆得如是，無病延年。命終之後，生彼世界，



得不退轉，乃至菩提。是故文殊師利！若有男子、女人，於彼藥師琉璃光如來，至心殷重，恭敬供養者，常持此咒，勿令廢忘。

復次，文殊師利！若有淨信男子、女人，得聞藥師琉璃光如來、應、正等覺所有名號，聞已誦持。晨嚼齒木，澡漱清淨，以諸香花、燒香、塗香、作眾伎樂，供養形像。於此經典，若自書，若教人書，一心受持，聽聞其義。於彼法師，應修供養，一切所有資身之具，悉皆施與，勿令乏少。如是便蒙諸佛護念，所求願滿，乃至菩提。」

爾時，文殊師利童子白佛言：「世尊！我當





誓於像法轉時，以種種方便，令諸淨信善男子、善女人等，得聞世尊藥師琉璃光如來名號，乃至睡中亦以佛名覺悟其耳。世尊！若於此經受持讀誦，或復為他演說開示；若自書，若教人書；恭敬尊重，以種種花香、塗香、末香、燒香、花鬘、瓔珞、幡蓋、伎樂，而為供養；以五色綵，作囊盛之；掃灑淨處，敷設高座，而用安處。爾時，四大天王與其眷屬，及餘無量百千天眾，皆詣其所，供養守護。世尊！若此經寶流行之處，有能受持，以彼世尊藥師琉璃光如來本願功德，及聞名號，當知是處無復橫死；亦復不為諸惡鬼神，奪其精氣；設已奪者，還得如故，身心安樂。」



佛告文殊師利：「如是！如是！如汝所說。文殊師利！若有淨信善男子、善女人等，欲供養彼世尊藥師琉璃光如來者，應先造立彼佛形像，敷清淨座而安處之。散種種花，燒種種香，以種種幢幡莊嚴其處；七日七夜，受持八分齋戒，食清淨食，澡浴香潔，著新淨衣，應生無垢濁心，無怒害心，於一切有情，起利益安樂，慈、悲、喜、捨，平等之心，鼓樂歌讚，右繞佛像。復應念彼如來本願功德，讀誦此經，思惟其義，演說開示。隨所樂求，一切皆遂：求長壽得長壽，求富饒得富饒，求官位得官位，求男女得男女。若復有人，忽得惡夢，見諸惡相，或怪鳥來



集，或於住處，百怪出現；此人若以眾妙資具，恭敬供養彼世尊藥師琉璃光如來者，惡夢惡相，諸不吉祥，皆悉隱沒，不能為患。或有水、火、刀、毒、懸險、惡象、獅子、虎、狼、熊、羆、毒蛇、惡蠍、蜈蚣、蚰蜒、蚊虻等怖；若能至心憶念彼佛，恭敬供養，一切怖畏皆得解脫。若他國侵擾，盜賊反亂；憶念恭敬彼如來者，亦皆解脫。

復次，文殊師利！若有淨信善男子、善女人等，乃至盡形不事餘天，惟當一心歸佛、法、僧，受持禁戒，若五戒、十戒、菩薩四百戒、苾芻二百五十戒、苾芻尼五百戒，於所受中



或有毀犯，怖墮惡趣，若能專念彼佛名號，恭敬供養者，必定不受三惡趣生。或有女人，臨當產時，受於極苦；若能至心稱名禮讚，恭敬供養彼如來者，眾苦皆除。所生之子，身分具足，形色端正，見者歡喜，利根聰明，安隱少病，無有非人，奪其精氣。」

爾時，世尊告阿難言：「如我稱揚彼世尊藥師琉璃光如來所有功德，此是諸佛甚深行處，難可解了，汝為信不？」阿難白言：「大德世尊！我於如來所說契經，不生疑惑；所以者何？一切如來身語意業，無不清淨。世尊！此日月輪，可令墮落；妙高山王，可使



傾動，諸佛所言，無有異也。世尊！有諸眾生，信根不具，聞說諸佛甚深行處，作是思惟：云何但念藥師琉璃光如來一佛名號，便獲爾所功德勝利？由此不信，反生誹謗；彼於長夜，失大利樂，墮諸惡趣，流轉無窮。」

佛告阿難：「是諸有情，若聞世尊藥師琉璃光如來名號，至心受持，不生疑惑，墮惡趣者，無有是處。阿難！此是諸佛甚深所行，難可信解；汝今能受，當知皆是如來威力。阿難！一切聲聞、獨覺，及未登地諸菩薩等，皆悉不能如實信解；唯除一生所繫菩薩。阿難！人身難得，於三寶中，信敬尊重，亦



難可得；聞世尊藥師琉璃光如來名號，復難於是。阿難！彼藥師琉璃光如來，無量菩薩行；無量善巧方便；無量廣大願；我若一劫，若一劫餘而廣說者，劫可速盡，彼佛行願，善巧方便，無有盡也。」

爾時，眾中有一菩薩摩訶薩，名曰救脫，即從座起，偏袒右肩，右膝著地，曲躬合掌而白佛言：「大德世尊！像法轉時，有諸眾生，為種種患之所困厄，長病羸瘦，不能飲食，喉唇乾燥，見諸方暗，死相現前；父母、親屬、朋友、知識，啼泣圍繞。然彼自身，臥在本處，見琰魔使，引其神識，至於琰魔法



王之前；然諸有情，有俱生神，隨其所作，若罪若福，皆具書之，盡持授與琰魔法王。

爾時，彼王推問其人，計算所作，隨其罪福而處斷之。時，彼病人親屬、知識，若能為彼歸依世尊藥師琉璃光如來，請諸眾僧，轉讀此經，燃七層之燈，懸五色續命神幡，或有是處，彼識得還。如在夢中，明了自見；或經七日，或二十一日，或三十五日，或四十九日，彼識還時，如從夢覺，皆自憶知善不善業所得果報。由自證見業果報故，乃至命難，亦不造作諸惡之業。是故，淨信善男子、善女人等，皆應受持藥師琉璃光如來名號，隨力所能，恭敬供養。」



爾時，阿難問救脫菩薩曰：「善男子！應云何恭敬供養彼世尊藥師琉璃光如來續命幡燈，復云何造？」

救脫菩薩言：「大德！若有病人，欲脫病苦，當為其人，七日七夜，受持八分齋戒，應以飲食及餘資具，隨力所辦，供養苾芻僧；晝夜六時，禮拜供養彼世尊藥師琉璃光如來；讀誦此經四十九遍；燃四十九燈；造彼如來形像七軀，一一像前各置七燈，一一燈量大如車輪，乃至四十九日，光明不絕；造五色綵幡，長四十九搥手，應放雜類眾生至四十九；可得過度危厄之難，不為諸橫惡鬼所持。」





復次，阿難！若剎帝利灌頂王等，災難起時，所謂人眾疾疫難，他國侵逼難，自界叛逆難，星宿變怪難，日月薄蝕難，非時風雨難，過時不雨難。彼剎帝利灌頂王等，爾時應於一切有情起慈悲心，赦諸繫閉；依前所說供養之法，供養彼世尊藥師琉璃光如來。由此善根，及彼如來本願力故，令其國界即得安隱：風雨順時，穀稼成熟；一切有情無病歡樂；於其國中，無有暴惡藥叉等神惱有情者；一切惡相，皆即隱沒；而剎帝利灌頂王等，壽命色力，無病自在，皆得增益。阿難！若帝后、妃主、儲君、王子、大臣、輔相、中宮嫔女、百官、黎庶，為病所苦，及



餘厄難；亦應造立五色神幡，燃燈續明，放諸生命，散雜色花，燒眾名香，病得除愈，眾難解脫。」

爾時，阿難問救脫菩薩言：「善男子！云何已盡之命而可增益？」

救脫菩薩言：「大德！汝豈不聞如來說有九橫死耶？是故勸造續命幡燈，修諸福德；以修福故，盡其壽命，不經苦患。」

阿難問言：「九橫云何？」

救脫菩薩言：「若諸有情，得病雖輕，然無



醫藥及看病者，設復遇醫，授以非藥，實不應死而便橫死。又信世間邪魔外道、妖孽之師，妄說禍福，便生恐動，心不自正，卜問覓禍，殺種種眾生，解奏神明，呼諸魍魎，請乞福祐，欲冀延年，終不能得；愚癡迷惑，信邪倒見，遂令橫死，入於地獄，無有出期，是名初橫。二者，橫被王法之所誅戮。三者，畋獵嬉戲，耽淫嗜酒，放逸無度，橫為非人奪其精氣。四者，橫為火焚。五者，橫為水溺。六者，橫為種種惡獸所噉。七者，橫墮山崖。八者，橫為毒藥、厭禱、咒詛、起屍鬼等之所中害。九者，饑渴所困，不得飲食而便橫死。是為如來略說橫死，有此九種。其餘復有無量諸橫，難可具說。



復次，阿難！彼琰魔王主領世間名籍之記。若諸有情，不孝五逆，破辱三寶，壞君臣法，毀於信戒，琰魔法王，隨罪輕重，考而罰之。是故我今勸諸有情，燃燈造幡，放生修福，令度苦厄，不遭眾難。」

爾時，眾中有十二藥叉大將，俱在會坐，所謂：

宮毘羅大將，伐折羅大將，  
迷企羅大將，安底羅大將，  
頰儻羅大將，珊底羅大將，  
因達羅大將，波夷羅大將，



摩虎羅大將，真達羅大將，  
招杜羅大將，毘羯羅大將。

此十二藥叉大將，一一各有七千藥叉以為眷屬，同時舉聲白佛言：「世尊！我等今者，蒙佛威力，得聞世尊藥師琉璃光如來名號，不復更有惡趣之怖。我等相率，皆同一心，乃至盡形歸佛法僧，誓當荷負一切有情，為作義利饒益安樂。隨於何等村城、國邑、空閒林中，若有流布此經，或復受持藥師琉璃光如來名號，恭敬供養者，我等眷屬衛護是人，皆使解脫一切苦難；諸有願求，悉令滿足。或有疾厄求度脫者，亦應讀誦此經，以五色縷，結我名字，得如願已，然後解結。」



爾時，世尊讚諸藥叉大將言：「善哉！善哉！大藥叉將！汝等念報世尊藥師琉璃光如來恩德者，常應如是利益安樂一切有情。」

爾時，阿難白佛言：「世尊！當何名此法門？我等云何奉持？」

佛告阿難：「此法門名說藥師琉璃光如來本願功德；亦名說十二神將饒益有情結願神咒；亦名拔除一切業障；應如是持。」

時薄伽梵說是語已，諸菩薩摩訶薩，及大聲聞、國王、大臣、婆羅門、居士，天、龍、



藥叉、捷達縛、阿素洛、揭路荼、緊捺洛、  
莫呼洛伽，人、非人等，一切大眾，聞佛所  
說，皆大歡喜，信受奉行。

藥師琉璃光如來本願功德經



## 藥師讚

藥師佛延壽王，光臨水月壇場，  
悲心救苦降吉祥，免難消災障。

懺悔眾等（檀那）三世罪，

願祈福壽綿長，

吉星高照沐恩光，如意保安康。

吉星高照沐恩光，如意保安康。





## 藥師偈

藥師如來琉璃光 焰網莊嚴無等倫

無邊行願利有情 各遂所求皆不退

南無東方淨琉璃世界消災延壽藥師佛

南無消災延壽藥師佛（數百千聲）

南無日光遍照菩薩（三稱）

南無月光遍照菩薩（三稱）



## 藥師灌頂真言

南謨薄伽伐帝 鞞殺社 窣嚩薜琉璃

鉢喇婆 喝囉闍也 怛他揭多耶

阿囉喝帝 三藐三勃陀耶 怛姪他

唵 鞞殺逝 鞞殺逝 鞞殺社

三沒揭帝 娑訶



## 解冤偈

解結解結解冤結 解了多生冤和業

洗心滌慮發虔誠 今對佛前求解結

藥師佛 藥師佛 消災延壽藥師佛

隨心滿願藥師佛



## 補闕真言

南無喝囉怛那 哆囉夜耶 佉囉佉囉

俱住俱住 摩囉摩囉 虎囉吽 賀賀

蘇怛拏 吽 潑抹拏 娑婆訶

## 圓滿補闕真言

唵 呼嚧呼嚧 社曳穆契 娑訶



## 迴向偈

佛光注照 本命元辰 災星退度福星臨

九曜保長生 運限和平 福壽永康寧

願消三障諸煩惱

願得智慧真明了

普願罪障悉消除

世世常行菩薩道



## 三皈依

自皈依佛 當願眾生  
體解大道 發無上心

自皈依法 當願眾生  
深入經藏 智慧如海

自皈依僧 當願眾生  
統理大眾 一切無礙



### 明代御製四臂觀音金唐卡

本唐卡繪製於十五世紀，為西藏上乘密法修行者觀照修行之所依，傳承至今已超過四百五十年，乃稀有難得之佛寶。四臂觀音以金剛座姿盤坐於月輪上，代表穩固的禪定境界，月輪代表慈悲方便。以至誠之心與之相應，將獲得加持護佑。



ཧྱུ་མ་པདྨའུ་མུ་མུ་མུ་

Om Mani Padme Hum

嗡 嘛 呢 叭 咪 吽

《六字大明咒》





# 般若波羅蜜多心經

唐三藏法師玄奘奉詔譯



觀自在菩薩，  
行深般若波羅蜜多時，  
照見五蘊皆空，  
度一切苦厄。



舍利子！

色不異空，空不異色；

色即是空，空即是色。

受、想、行、識，亦復如是。





舍利子！  
是諸法空相，  
不生不滅，  
不垢不淨，  
不增不減。



是故，空中無色，  
無受、想、行、識；  
無眼、耳、鼻、舌、身、意；  
無色、聲、香、味、觸、法；





無眼界，  
乃至無意識界；  
無無明亦無無明盡，



乃至無老死亦無老死盡；

無苦、集、滅、道；

無智，亦無得。





以無所得故，

菩提薩埵，

依般若波羅蜜多故，

心無罣礙；





無罣礙故，  
無有恐怖，  
遠離顛倒夢想，  
究竟涅槃。





三世諸佛，  
依般若波羅蜜多故，  
得阿耨多羅三藐三菩提。



故知般若波羅蜜多，  
是大神咒，是大明咒，  
是無上咒，是無等等咒，  
能除一切苦，真實不虛，




故說般若波羅蜜多咒。

即說咒曰：

揭諦 揭諦

波羅揭諦 波羅僧揭諦

菩提 薩婆訶



### 四臂觀音唐卡

四臂觀音為觀世音菩薩應化身之一，其潔白的身體代表清淨無瑕的身語意；五方佛冠代表五方智慧；四臂代表息、增、懷、誅；其心咒為六字大明咒，只要以清淨、恭敬之心聽聞或念誦此咒，即能清除罪障，永不退轉，成就無上菩提。



ॐ नमो भगवते वासुदेवाय

Om Muni Muni Maha Muniye Soha

唵 牟尼 牟尼 瑪哈 牟尼耶 梭哈

《釋迦牟尼佛心咒》



# 金剛般若波羅蜜經

姚秦三藏法師鳩摩羅什譯



## 爐香讚 (合掌)

爐香乍爇 法界蒙薰 諸佛海會悉遙聞

隨處結祥雲 誠意方殷 諸佛現全身

南無香雲蓋菩薩摩訶薩 (三稱)

## 淨身業真言

唵 修多利 修多利 修摩利 修摩利

娑婆訶 (三遍)

## 淨口業真言

唵 修利修利 摩訶修利 修修利

娑婆訶 (三遍)







## 淨意業真言

唵 嚩日囉 怛訶賀斛（三遍）

## 安土地真言

南無三滿多 沒馱喃 唵 度嚕度嚕

地尾娑婆訶（三遍）

## 普供養真言

唵 誡誡曩 三婆嚩伐日囉斛（三遍）





## 奉請八金剛

奉請青除災金剛 奉請辟毒金剛

奉請黃隨求金剛 奉請白淨水金剛

奉請赤聲火金剛 奉請定持災金剛

奉請紫賢金剛 奉請大神金剛

## 奉請四菩薩

奉請金剛眷菩薩 奉請金剛索菩薩

奉請金剛愛菩薩 奉請金剛語菩薩



## 發願文


稽首三界尊 皈命十方佛

我今發宏願 持此金剛經

上報四重恩 下濟三塗苦

若有見聞者 悉發菩提心

盡此一報身 同生極樂國





## 云何梵

云何得長壽 金剛不壞身

復以何因緣 得大堅固力

云何於此經 究竟到彼岸

願佛開微密 廣為眾生說

南無本師釋迦牟尼佛（三稱）

南無般若會上佛菩薩（三稱）



## 開經偈

無上甚深微妙法

百千萬劫難遭遇

我今見聞得受持

願解如來真實義





金剛般若波羅蜜經



世尊說法圖



## 金剛般若波羅蜜經

姚秦三藏法師鳩摩羅什譯

如是我聞：一時，佛在舍衛國祇樹給孤獨園，與大比丘眾千二百五十人俱。爾時，世尊食時，著衣持鉢，入舍衛大城乞食。於其城中，次第乞已，還至本處。飯食訖，收衣鉢，洗足已，敷座而坐。

時，長老須菩提在大眾中即從座起，偏袒右肩，右膝著地，合掌恭敬而白佛言：「希有！世尊！如來善護念諸菩薩，善付囑諸菩薩。世尊！善男子、善女人，發阿耨多羅三藐三菩提心，應云何住？云何降伏其心？」



佛言：「善哉，善哉！須菩提！如汝所說：『如來善護念諸菩薩，善付囑諸菩薩。』汝今諦聽，當為汝說。善男子、善女人，發阿耨多羅三藐三菩提心，應如是住，如是降伏其心。」

「唯然。世尊！願樂欲聞。」

佛告須菩提：「諸菩薩摩訶薩應如是降伏其心：『所有一切眾生之類，若卵生、若胎生、若溼生、若化生，若有色、若無色，若有想、若無想、若非有想非無想，我皆令入無餘涅槃而滅度之。』如是滅度無量無數無邊眾





生，實無眾生得滅度者。何以故？須菩提！若菩薩有我相、人相、眾生相、壽者相，即非菩薩。

復次，須菩提！菩薩於法，應無所住，行於布施，所謂不住色布施，不住聲香味觸法布施。須菩提！菩薩應如是布施，不住於相。何以故？若菩薩不住相布施，其福德不可思量。

須菩提！於意云何？東方虛空可思量不？」

「不也，世尊！」



「須菩提！南西北方四維上下虛空可思量不？」

「不也，世尊！」

「須菩提！菩薩無住相布施，福德亦復如是不可思量。須菩提！菩薩但應如所教住。」

須菩提！於意云何？可以身相見如來不？」

「不也，世尊！不可以身相得見如來。何以故？如來所說身相，即非身相。」

佛告須菩提：「凡所有相，皆是虛妄。若見



諸相非相，則見如來。」

須菩提白佛言：「世尊！頗有眾生，得聞如是言說章句，生實信不？」

佛告須菩提：「莫作是說。如來滅後，後五百歲，有持戒修福者，於此章句能生信心，以此為實，當知是人於一佛二佛三四五佛而種善根。已於無量千萬佛所種諸善根，聞是章句，乃至一念生淨信者，須菩提！如來悉知悉見，是諸眾生得如是無量福德。何以故？是諸眾生無復我相、人相、眾生相、壽者相。無法相，亦無非法相。何以



故？是諸眾生若心取相，則為著我、人、眾生、壽者。若取法相，即著我、人、眾生、壽者。何以故？若取非法相，即著我、人、眾生、壽者，是故不應取法，不應取非法。以是義故，如來常說：『汝等比丘，知我說法，如筏喻者，法尚應捨，何況非法。』

須菩提！於意云何？如來得阿耨多羅三藐三菩提耶？如來有所說法耶？」

須菩提言：「如我解佛所說義，無有定法名阿耨多羅三藐三菩提，亦無有定法，如來可說。何以故？如來所說法，皆不可取、不可



說、非法、非非法。所以者何？一切賢聖，皆以無為法而有差別。」

「須菩提！於意云何？若人滿三千大千世界七寶以用布施，是人所得福德，寧為多不？」

須菩提言：「甚多，世尊！何以故？是福德即非福德性，是故如來說福德多。」

「若復有人，於此經中受持，乃至四句偈等，為他人說，其福勝彼。何以故？須菩提！一切諸佛，及諸佛阿耨多羅三藐三菩提



法，皆從此經出。須菩提！所謂佛法者，即非佛法。

須菩提！於意云何？須陀洹能作是念：『我得須陀洹果。』不？」

須菩提言：「不也，世尊！何以故？須陀洹名為入流，而無所入，不入色、聲、香、味、觸、法，是名須陀洹。」

「須菩提！於意云何？斯陀含能作是念：『我得斯陀含果。』不？」

須菩提言：「不也，世尊！何以故？斯陀含



名一往來，而實無往來，是名斯陀含。」

「須菩提！於意云何？阿那含能作是念：  
『我得阿那含果。』不？」

須菩提言：「不也，世尊！何以故？阿那含  
名為不來，而實無來，是故名阿那含。」

「須菩提！於意云何？阿羅漢能作是念：  
『我得阿羅漢道。』不？」

須菩提言：「不也，世尊！何以故？實無有法  
名阿羅漢。世尊！若阿羅漢作是念：『我得阿



羅漢道。』即為著我、人、眾生、壽者。世尊！佛說我得無諍三昧，人中最為第一，是第一離欲阿羅漢。我不作是念：『我是離欲阿羅漢。』世尊！我若作是念：『我得阿羅漢道。』世尊則不說須菩提是樂阿蘭那行者。以須菩提實無所行，而名須菩提是樂阿蘭那行。」

佛告須菩提：「於意云何？如來昔在燃燈佛所，於法有所得不？」

「世尊！如來在燃燈佛所，於法實無所得。」

「須菩提！於意云何？菩薩莊嚴佛土不？」





「不也，世尊！何以故？莊嚴佛土者，則非莊嚴，是名莊嚴。」

「是故須菩提，諸菩薩摩訶薩應如是生清淨心，不應住色生心，不應住聲、香、味、觸、法生心，應無所住而生其心。」

須菩提！譬如有人，身如須彌山王，於意云何？是身為大不？」

須菩提言：「甚大，世尊！何以故？佛說非身，是名大身。」



「須菩提！如恆河中所有沙數，如是沙等恆河，於意云何？是諸恆河沙寧為多不？」

須菩提言：「甚多，世尊！但諸恆河尚多無數，何況其沙。」

「須菩提！我今實言告汝。若有善男子、善女人，以七寶滿爾所恆河沙數三千大千世界，以用布施，得福多不？」

須菩提言：「甚多，世尊！」

佛告須菩提：「若善男子、善女人，於此經



中，乃至受持四句偈等，為他人說，而此福德勝前福德。

復次，須菩提！隨說是經，乃至四句偈等，當知此處，一切世間天、人、阿修羅，皆應供養，如佛塔廟，何況有人盡能受持讀誦。須菩提！當知是人成就最上第一希有之法，若是經典所在之處，則為有佛，若尊重弟子。」

爾時，須菩提白佛言：「世尊！當何名此經？我等云何奉持？」



佛告須菩提：「是經名為《金剛般若波羅蜜》。以是名字，汝當奉持。所以者何？須菩提！佛說般若波羅蜜，則非般若波羅蜜。

須菩提！於意云何？如來有所說法不？」

須菩提白佛言：「世尊！如來無所說。」

「須菩提！於意云何？三千大千世界所有微塵是為多不？」

須菩提言：「甚多，世尊！」



「須菩提！諸微塵，如來說非微塵，是名微塵。如來說世界，非世界，是名世界。」

須菩提！於意云何？可以三十二相見如來不？」

「不也，世尊！不可以三十二相得見如來。何以故？如來說三十二相，即是非相，是名三十二相。」

「須菩提！若有善男子、善女人，以恆河沙等身命布施；若復有人，於此經中，乃至受持四句偈等，為他人說，其福甚多。」



爾時，須菩提聞說是經，深解義趣，涕淚悲泣，而白佛言：「希有，世尊！佛說如是甚深經典，我從昔來所得慧眼，未曾得聞如是之經。世尊！若復有人得聞是經，信心清淨，則生實相，當知是人，成就第一希有功德。世尊！是實相者，則是非相，是故如來說名實相。世尊！我今得聞如是經典，信解受持不足為難，若當來世，後五百歲，其有眾生，得聞是經，信解受持，是人則為第一希有。何以故？此人無我相、人相、眾生相、壽者相。所以者何？我相即是非相，人相、眾生相、壽者相即是非相。何以故？離一切諸相，則名諸佛。」



佛告須菩提：「如是，如是！若復有人，得聞是經，不驚、不怖、不畏，當知是人甚為希有。何以故？須菩提！如來說第一波羅蜜，非第一波羅蜜，是名第一波羅蜜。須菩提！忍辱波羅蜜，如來說非忍辱波羅蜜。何以故？須菩提！如我昔為歌利王割截身體，我於爾時，無我相、無人相、無眾生相、無壽者相。何以故？我於往昔節節支解時，若有我相、人相、眾生相、壽者相，應生瞋恨。須菩提！又念過去於五百世作忍辱仙人，於爾所世，無我相、無人相、無眾生相、無壽者相。是故須菩提！菩薩應離一切相，發阿耨多羅三藐三菩提心，不應住色生心，不應



住聲香味觸法生心，應生無所住心。若心有住，則為非住。是故佛說：『菩薩心不應住色布施。』

須菩提！菩薩為利益一切眾生，應如是布施。如來說：『一切諸相，即是非相。』又說：『一切眾生，則非眾生。』須菩提！如來是真語者、實語者、如語者、不誑語者、不異語者。須菩提！如來所得法，此法無實無虛。須菩提！若菩薩心住於法而行布施，如人入暗，則無所見；若菩薩心不住法而行布施，如人有目，日光明照，見種種色。

須菩提！當來之世，若有善男子、善女人，





能於此經受持讀誦，則為如來以佛智慧，悉知是人，悉見是人，皆得成就無量無邊功德。

須菩提！若有善男子、善女人，初日分以恆河沙等身布施，中日分復以恆河沙等身布施，後日分亦以恆河沙等身布施，如是無量百千萬億劫以身布施；若復有人，聞此經典，信心不逆，其福勝彼，何況書寫、受持、讀誦、為人解說。須菩提！以要言之，是經有不可思議、不可稱量、無邊功德。如來為發大乘者說，為發最上乘者說。若有人能受持讀誦，廣為人說，如來悉知是人，悉見是



人，皆得成就不可量、不可稱、無有邊、不可思議功德，如是人等，則為荷擔如來阿耨多羅三藐三菩提。何以故？須菩提！若樂小法者，著我見、人見、眾生見、壽者見，則於此經，不能聽受讀誦、為人解說。

須菩提！在在處處，若有此經，一切世間天、人、阿修羅，所應供養；當知此處，則為是塔，皆應恭敬，作禮圍繞，以諸花香而散其處。

復次，須菩提！善男子、善女人，受持讀誦此經，若為人輕賤，是人先世罪業，應墮



惡道，以今世人輕賤故，先世罪業則為消滅，當得阿耨多羅三藐三菩提。須菩提！我念過去無量阿僧祇劫，於燃燈佛前，得值八百四千萬億那由他諸佛，悉皆供養承事，無空過者；若復有人，於後末世，能受持讀誦此經，所得功德，於我所供養諸佛功德，百分不及一，千萬億分、乃至算數譬喻所不能及。須菩提！若善男子、善女人，於後末世，有受持讀誦此經，所得功德，我若具說者，或有人聞，心則狂亂，狐疑不信。須菩提！當知是經義不可思議，果報亦不可思議。」



爾時，須菩提白佛言：「世尊！善男子、善女人，發阿耨多羅三藐三菩提心，云何應住？云何降伏其心？」

佛告須菩提：「善男子、善女人，發阿耨多羅三藐三菩提者，當生如是心：『我應滅度一切眾生。滅度一切眾生已，而無有一眾生實滅度者。』何以故？須菩提！若菩薩有我相、人相、眾生相、壽者相，則非菩薩。所以者何？須菩提！實無有法發阿耨多羅三藐三菩提者。」

須菩提！於意云何？如來於燃燈佛所，有法



得阿耨多羅三藐三菩提不？」

「不也，世尊！如我解佛所說義，佛於燃燈佛所，無有法得阿耨多羅三藐三菩提。」

佛言：「如是，如是！須菩提！實無有法如來得阿耨多羅三藐三菩提。須菩提！若有法如來得阿耨多羅三藐三菩提者，燃燈佛則不與我授記：『汝於來世，當得作佛，號釋迦牟尼。』以實無有法得阿耨多羅三藐三菩提，是故燃燈佛與我授記，作是言：『汝於來世當得作佛，號釋迦牟尼。』何以故？如來者，即諸法如義。若有人言：『如來得阿



耨多羅三藐三菩提。』須菩提！實無有法，佛得阿耨多羅三藐三菩提。須菩提！如來所得阿耨多羅三藐三菩提，於是中無實無虛。是故如來說：『一切法皆是佛法。』須菩提！所言一切法者，即非一切法，是故名一切法。須菩提！譬如人身長大。」

須菩提言：「世尊！如來說人身長大，則為非大身，是名大身。」

「須菩提！菩薩亦如是。若作是言：『我當滅度無量眾生。』則不名菩薩。何以故？須菩提！實無有法名為菩薩。是故佛說：『一



切法無我、無人、無眾生、無壽者。』須菩提！若菩薩作是言：『我當莊嚴佛土。』是不名菩薩。何以故？如來說莊嚴佛土者，即非莊嚴，是名莊嚴。須菩提！若菩薩通達無我法者，如來說名真是菩薩。

須菩提！於意云何？如來有肉眼不？」

「如是，世尊！如來有肉眼。」

「須菩提！於意云何？如來有天眼不？」

「如是，世尊！如來有天眼。」



「須菩提！於意云何？如來有慧眼不？」

「如是，世尊！如來有慧眼。」

「須菩提！於意云何？如來有法眼不？」

「如是，世尊！如來有法眼。」

「須菩提！於意云何？如來有佛眼不？」

「如是，世尊！如來有佛眼。」

「須菩提！於意云何？恆河中所有沙，佛說是沙不？」





「如是，世尊！如來說是沙。」

「須菩提！於意云何？如一恆河中所有沙，有如是等恆河，是諸恆河所有沙數佛世界，如是寧為多不？」

「甚多，世尊！」

佛告須菩提：「爾所國土中，所有眾生，若干種心，如來悉知。何以故？如來說諸心，皆為非心，是名為心。所以者何？須菩提！過去心不可得，現在心不可得，未來心不可得。」

須菩提！於意云何？若有人滿三千大千世界七寶以用布施，是人以是因緣，得福多不？」



「如是，世尊！此人以是因緣，得福甚多。」

「須菩提！若福德有實，如來不說得福德多；以福德無故，如來說得福德多。」

須菩提！於意云何？佛可以具足色身見不？」

「不也，世尊！如來不應以具足色身見。何以故？如來說具足色身，即非具足色身，是名具足色身。」

「須菩提！於意云何？如來可以具足諸相見不？」



「不也，世尊！如來不應以具足諸相見。何以故？如來說諸相具足，即非具足，是名諸相具足。」

「須菩提！汝勿謂如來作是念：『我當有所說法。』莫作是念，何以故？若人言：『如來有所說法。』即為謗佛，不能解我所說故。須菩提！說法者，無法可說，是名說法。」

爾時，慧命須菩提白佛言：「世尊！頗有眾生，於未來世，聞說是法，生信心不？」

佛言：「須菩提！彼非眾生，非不眾生。何



以故？須菩提！眾生、眾生者，如來說非眾生，是名眾生。」

須菩提白佛言：「世尊！佛得阿耨多羅三藐三菩提，為無所得耶？」

「如是，如是！須菩提！我於阿耨多羅三藐三菩提乃至無有少法可得，是名阿耨多羅三藐三菩提。」

復次，須菩提！是法平等，無有高下，是名阿耨多羅三藐三菩提；以無我、無人、無眾生、無壽者，修一切善法，則得阿耨多羅三



藐三菩提。須菩提！所言善法者，如來說非善法，是名善法。

須菩提！若三千大千世界中所有諸須彌山王，如是等七寶聚，有人持用布施；若人以此般若波羅蜜經，乃至四句偈等，受持讀誦、為他人說，於前福德百分不及一，百千萬億分，乃至算數譬喻所不能及。

須菩提！於意云何？汝等勿謂如來作是念：『我當度眾生。』須菩提！莫作是念。何以故？實無有眾生如來度者，若有眾生如來度者，如來則有我、人、眾生、壽者。須菩提！



如來說：『有我者，則非有我，而凡夫之人以為有我。』須菩提！凡夫者，如來說則非凡夫。

須菩提！於意云何？可以三十二相觀如來不？」

須菩提言：「如是，如是！以三十二相觀如來。」

佛言：「須菩提！若以三十二相觀如來者，轉輪聖王則是如來。」



須菩提白佛言：「世尊！如我解佛所說義，不應以三十二相觀如來。」

爾時，世尊而說偈言：

「若以色見我，以音聲求我，  
是人行邪道，不能見如來。」

須菩提！汝若作是念：『如來不以具足相故，得阿耨多羅三藐三菩提。』須菩提！莫作是念。如來不以具足相故，得阿耨多羅三藐三菩提。須菩提！汝若作是念：『發阿耨多羅三藐三菩提者，說諸法斷滅。』莫作是念。



何以故？發阿耨多羅三藐三菩提心者，於法不說斷滅相。

須菩提！若菩薩以滿恆河沙等世界七寶布施；若復有人知一切法無我，得成於忍，此菩薩勝前菩薩所得功德。須菩提！以諸菩薩不受福德故。」

須菩提白佛言：「世尊！云何菩薩不受福德？」

「須菩提！菩薩所作福德，不應貪著，是故說不受福德。須菩提！若有人言：『如來若來若去、若坐若臥。』是不解我所說義。





何以故？如來者，無所從來，亦無所去，故名如來。

須菩提！若善男子、善女人，以三千大千世界碎為微塵，於意云何？是微塵眾寧為多不？」

「甚多，世尊！何以故？若是微塵眾實有者，佛則不說是微塵眾。所以者何？佛說微塵眾，則非微塵眾，是名微塵眾。世尊！如來所說三千大千世界，則非世界，是名世界。何以故？若世界實有者，則是一合相。如來說一合相，則非一合相，是名一合相。」



「須菩提！一合相者，則是不可說，但凡夫之人貪著其事。」

須菩提！若人言：『佛說我見、人見、眾生見、壽者見。』須菩提！於意云何？是人解我所說義不？」

「世尊！是不解如來所說義。何以故？世尊說我見、人見、眾生見、壽者見，即非我見、人見、眾生見、壽者見，是名我見、人見、眾生見、壽者見。」

「須菩提！發阿耨多羅三藐三菩提心者，於



一切法，應如是知，如是見，如是信解，不生法相。須菩提！所言法相者，如來說即非法相，是名法相。

須菩提！若有人以滿無量阿僧祇世界七寶持用布施，若有善男子、善女人，發菩提心者，持於此經，乃至四句偈等，受持讀誦，為人演說，其福勝彼。云何為人演說？不取於相，如如不動。何以故？

一切有為法，如夢、幻、泡、影，  
如露亦如電，應作如是觀。」



佛說是經已，長老須菩提及諸比丘、比丘尼、優婆塞、優婆夷，一切世間天、人、阿修羅，聞佛所說，皆大歡喜，信受奉行。

金剛般若波羅蜜經



## 般若無盡藏真言

南無薄伽伐帝 鉢唎若 波羅蜜多曳

怛姪他 唵 紇唎 地唎 室唎

戍嚕知 三蜜栗知 佛社曳 娑訶

## 金剛心真言

唵 烏倫尼 娑婆訶



## 補闕真言

南無喝囉怛那 哆囉夜耶 佉囉佉囉  
俱住俱住 摩囉摩囉 虎囉吽 賀賀  
蘇怛拏 吽 潑抹拏 娑婆訶

## 圓滿補闕真言

唵 呼嚧呼嚧 社曳穆契 娑訶

## 普迴向真言

唵 娑摩囉 娑摩囉 彌摩曩  
薩嚩訶 摩訶斫迦囉嚩吽



## 金剛讚

斷疑生信 絕相超宗 頓忘人法解真空

般若味重重 四句融通 福德歎無窮

南無金剛會上佛菩薩（三稱）

天上天下無如佛 十方世界亦無比

世間所有我盡見 一切無有如佛者

南無娑婆世界 三界導師 四生慈父

人天教主 三類化身

南無本師釋迦牟尼佛



## 迴向偈

願消三障諸煩惱 願得智慧真明了  
普願罪障悉消除 世世常行菩薩道

## 三皈依

自皈依佛 當願眾生

體解大道 發無上心

自皈依法 當願眾生

深入經藏 智慧如海

自皈依僧 當願眾生

統理大眾 一切無礙







ॐ नमो भगवते सरवा दुर्गाते

Om Namo Bhagavate Sarva Durgati  
唵 南 嘆 頗 葛 萬 得 薩 呵 萬 督 呵 葛 帝

परिसोधान राजा तथगतय

Pari Sodhana Rajaya Tathagataya  
波 哩 收 特 呢 喝 拉 吒 耶 德 他 葛 達 崖

अहं सम्यकसम्बुद्धय

Arhate Samyak Sam Buddhaya  
呵 河 得 瑟 米 阿 可 桑 部 塔 耶

तद्यथा ॐ सोधने सोधने

Tadyatha Om Sodhane Sodhane  
的 第 阿 他 唵 收 特 內 收 特 內

सर्वपापं (विशोधनसुद्धं

Sarva Papam Visodhana Suddhe  
薩 呵 萬 巴 邦 尾 收 特 呢 殊 忒

(विशुद्धं सर्वकर्मविवारं

Visuddhe Sarva Karme Avarana  
尾 殊 忒 薩 呵 萬 嚶 呵 瑪 萬 呵 內

(विशोधनये स्वहा

Visodhanaye Svaha  
尾 收 特 呢 業 司 哇 哈



# 大方廣圓覺修多羅了義經

大唐罽賓三藏佛陀多羅譯



## 爐香讚 (合掌)

爐香乍爇 法界蒙薰 諸佛海會悉遙聞

隨處結祥雲 誠意方殷 諸佛現全身

南無香雲蓋菩薩摩訶薩 (三稱)

## 淨身業真言

唵 修多利 修多利 修摩利 修摩利

娑婆訶 (三遍)

## 淨口業真言

唵 修利修利 摩訶修利 修修利

娑婆訶 (三遍)



## 淨意業真言

唵 嚩日囉 怛訶賀斛 (三遍)

## 安土地真言

南無三滿多 沒馱喃 唵 度嚕度嚕

地尾娑婆訶 (三遍)

## 普供養真言

唵 誝誝曩 三婆嚩伐日囉斛 (三遍)





## 發願文（合掌）

稽首無上尊 歸命妙色身  
我今發弘願 持此圓覺經  
上期清淨覺 下化諸群迷  
若有見聞者 悉發菩提心  
願三寶慈愍 冥資方便慧  
入清淨覺海 聆聽了義教  
隨旨解斯文 句意扣群機  
末世諸眾生 修此免流轉  
身心入覺城 同證寂滅樂





## 奉請十二菩薩（合掌）

文殊師利菩薩      普賢菩薩

普眼菩薩      金剛藏菩薩


彌勒菩薩      清淨慧菩薩

威德自在菩薩      辯音菩薩

淨諸業障菩薩      普覺菩薩

圓覺菩薩      賢善首菩薩

南無圓覺會上佛菩薩（三稱）





## 開經偈

無上甚深微妙法

百千萬劫難遭遇

我今見聞得受持

願解如來真實義







## 大方廣圓覺修多羅了義經

大唐罽賓三藏佛陀多羅譯

如是我聞：一時，婆伽婆入於神通大光明藏，三昧正受，一切如來光嚴住持，是諸眾生清淨覺地；身心寂滅平等本際，圓滿十方不二隨順，於不二境現諸淨土。與大菩薩摩訶薩十萬人俱，其名曰文殊師利菩薩、普賢菩薩、普眼菩薩、金剛藏菩薩、彌勒菩薩、清淨慧菩薩、威德自在菩薩、辯音菩薩、淨諸業障菩薩、普覺菩薩、圓覺菩薩、賢善首菩薩等而為上首；與諸眷屬皆入三昧，同住如來平等法會。



於是文殊師利菩薩在大眾中即從座起，頂禮佛足右繞三匝，長跪叉手而白佛言：「大悲世尊！願為此會諸來法眾，說於如來本起清淨因地法行，及說菩薩於大乘中發清淨心，遠離諸病，能使未來末世眾生求大乘者不墮邪見。」作是語已五體投地，如是三請終而復始。

爾時，世尊告文殊師利菩薩言：「善哉！善哉！善男子！汝等乃能為諸菩薩諮詢如來因地法行，及為末世一切眾生求大乘者，得正住持不墮邪見。汝今諦聽！當為汝說。」時，文殊師利菩薩奉教歡喜，及諸大眾默然而聽。



「善男子！無上法王有大陀羅尼門，名為圓覺，流出一切清淨真如菩提涅槃及波羅蜜教授菩薩。一切如來本起因地，皆依圓照清淨覺相，永斷無明方成佛道。云何無明？

善男子！一切眾生從無始來種種顛倒，猶如迷人四方易處，妄認四大為自身相，六塵緣影為自心相；譬彼病目見空中花及第二月。

善男子！空實無花，病者妄執。由妄執故，非唯惑此虛空自性，亦復迷彼實花生處，由此妄有輪轉生死，故名無明。善男子！此無明者非實有體，如夢中人夢時非無，及至於



醒了無所得；如眾空花滅於虛空，不可說言有定滅處，何以故？無生處故。一切眾生於無生中，妄見生滅，是故說名輪轉生死。善男子！如來因地修圓覺者，知是空花，即無輪轉，亦無身心受彼生死，非作故無，本性無故。彼知覺者猶如虛空，知虛空者即空花相，亦不可說，無知覺性，有無俱遣；是則名為淨覺隨順。何以故？虛空性故，常不動故，如來藏中無起滅故，無知見故，如法界性究竟圓滿遍十方故；是則名為因地法行。菩薩因此於大乘中發清淨心，末世眾生依此修行不墮邪見。」



爾時，世尊欲重宣此義而說偈言：

「文殊汝當知，一切諸如來，  
從於本因地，皆以智慧覺，  
了達於無明。知彼如空花，  
即能免流轉，又如夢中人，  
醒時不可得。覺者如虛空，  
平等不動轉，覺遍十方界，  
即得成佛道。眾幻滅無處，  
成道亦無得，本性圓滿故。  
菩薩於此中，能發菩提心，  
末世諸眾生，修此免邪見。」



於是普賢菩薩在大眾中即從座起，頂禮佛足右繞三匝，長跪叉手而白佛言：「大悲世尊！願為此會諸菩薩眾，及為末世一切眾生修大乘者，聞此圓覺清淨境界，云何修行？世尊！若彼眾生，知如幻者，身心亦幻，云何以幻還修於幻？若諸幻性，一切盡滅，則無有心，誰為修行？云何復說修行如幻？若諸眾生本不修行，於生死中常居幻化，曾不了知如幻境界，令妄想心云何解脫？願為末世一切眾生，作何方便漸次修習，令諸眾生永離諸幻。」作是語已五體投地，如是三請終而復始。



爾時，世尊告普賢菩薩言：「善哉！善哉！善男子！汝等乃能為諸菩薩及末世眾生，修習菩薩如幻三昧方便，漸次令諸眾生得離諸幻。汝今諦聽！當為汝說。」時，普賢菩薩奉教歡喜，及諸大眾默然而聽。

「善男子！一切眾生種種幻化，皆生如來圓覺妙心，猶如空花從空而有，幻花雖滅空性不壞；眾生幻心還依幻滅，諸幻盡滅覺心不動。依幻說覺亦名為幻，若說有覺猶未離幻，說無覺者亦復如是。是故，幻滅名為不動。」



善男子！一切菩薩及末世眾生，應當遠離一切幻化虛妄境界，由堅執持遠離心故，心如幻者亦復遠離，遠離為幻，亦復遠離，離遠離幻亦復遠離，得無所離即除諸幻。譬如鑽火兩木相因，火出木盡灰飛煙滅；以幻修幻亦復如是，諸幻雖盡不入斷滅。善男子！知幻即離，不作方便；離幻即覺，亦無漸次。一切菩薩及末世眾生依此修行，如是乃能永離諸幻。」

爾時，世尊欲重宣此義而說偈言：

「普賢汝當知，一切諸眾生，





無始幻無明，皆從諸如來，  
圓覺心建立。猶如虛空花，  
依空而有相，空花若復滅，  
虛空本不動。幻從諸覺生，  
幻滅覺圓滿，覺心不動故。  
若彼諸菩薩，及末世眾生，  
常應遠離幻，諸幻悉皆離。  
如木中生火，木盡火還滅，  
覺則無漸次，方便亦如是。」

於是普眼菩薩在大眾中即從座起，頂禮佛足  
右繞三匝，長跪叉手而白佛言：「大悲世尊！  
願為此會諸菩薩眾及為末世一切眾生，演說



菩薩修行漸次，云何思惟？云何住持？眾生未悟作何方便普令開悟？世尊！若彼眾生無正方便及正思惟，聞佛如來說此三昧心生迷悶，即於圓覺不能悟入。願興慈悲，為我等輩及末世眾生假說方便。」作是語已五體投地，如是三請終而復始。

爾時，世尊告普眼菩薩言：「善哉！善哉！善男子！汝等乃能為諸菩薩及末世眾生，問於如來修行漸次、思惟、住持乃至假說種種方便，汝今諦聽！當為汝說。」時，普眼菩薩奉教歡喜，及諸大眾默然而聽。



「善男子！彼新學菩薩及末世眾生，欲求如來淨圓覺心，應當正念遠離諸幻，先依如來奢摩他行，堅持禁戒，安處徒眾，宴坐靜室，恆作是念：『我今此身四大和合，所謂髮毛、爪齒、皮肉、筋骨、髓腦、垢色皆歸於地，唾涕、膿血、津液、涎沫，痰淚、精氣、大小便利皆歸於水，暖氣歸火，動轉歸風。四大各離，今者妄身當在何處？』即知此身畢竟無體，和合為相，實同幻化。四緣假合，妄有六根；六根、四大中外合成，妄有緣氣，於中積聚，似有緣相假名為心。

善男子！此虛妄心若無六塵則不能有，四大



分解無塵可得，於中緣塵各歸散滅，畢竟無有緣心可見。

善男子！彼之眾生幻身滅故幻心亦滅，幻心滅故幻塵亦滅，幻塵滅故幻滅亦滅，幻滅滅故非幻不滅；譬如磨鏡垢盡明現。善男子！當知身心皆為幻垢，垢相永滅十方清淨。善男子！譬如清淨摩尼寶珠，映於五色隨方各現，諸愚癡者見彼摩尼實有五色。善男子！圓覺淨性現於身心隨類各應，彼愚癡者說淨圓覺實有如是，身心自相亦復如是；由此不能遠於幻化。是故我說身心幻垢，對離幻垢說名菩薩；垢盡對除，即無對垢及說名者。



善男子！此菩薩及末世眾生，證得諸幻滅影像故，爾時便得無方清淨，無邊虛空覺所顯發。覺圓明故顯心清淨，心清淨故見塵清淨，見清淨故眼根清淨，根清淨故眼識清淨，識清淨故聞塵清淨，聞清淨故耳根清淨，根清淨故耳識清淨，識清淨故覺塵清淨；如是乃至鼻、舌、身、意亦復如是。善男子！根清淨故色塵清淨，色清淨故聲塵清淨，香、味、觸、法亦復如是。善男子！六塵清淨故地大清淨，地清淨故水大清淨，火大、風大亦復如是。善男子！四大清淨故，十二處、十八界、二十五有清淨。彼清淨故，十力、四無所畏、四無礙智、佛十八不共法、



三十七助道品清淨，如是乃至八萬四千陀羅尼門一切清淨。善男子！一切實相性清淨故一身清淨，一身清淨故多身清淨，多身清淨故如是乃至十方眾生圓覺清淨。善男子！一世界清淨故多世界清淨，多世界清淨故如是乃至盡於虛空圓裹三世一切平等清淨不動。

善男子！虛空如是平等不動，當知覺性平等不動；四大不動故，當知覺性平等不動；如是乃至八萬四千陀羅尼門平等不動，當知覺性平等不動。

善男子！覺性遍滿清淨不動。圓無際故，當



知六根遍滿法界；根遍滿故，當知六塵遍滿法界；塵遍滿故，當知四大遍滿法界；如是乃至陀羅尼門遍滿法界。善男子！由彼妙覺性遍滿故，根性、塵性無壞無雜；根、塵無壞故，如是乃至陀羅尼門無壞無雜；如百千燈光照一室，其光遍滿無壞無雜。善男子！覺成就故，當知菩薩不與法縛，不求法脫，不厭生死，不愛涅槃，不敬持戒，不憎毀禁，不重久習，不輕初學。何以故？一切覺故，譬如眼光曉了前境，其光圓滿得無憎愛，何以故？光體無二無憎愛故。

善男子！此菩薩及末世眾生，修習此心得成



就者，於此無修亦無成就。圓覺普照寂滅無二，於中百千萬億阿僧祇不可說恆河沙諸佛世界，猶如空花亂起、亂滅，不即、不離，無縛、無脫；始知眾生本來成佛，生死、涅槃猶如昨夢。善男子！如昨夢故，當知生死及與涅槃無起、無滅、無來、無去，其所證者無得、無失、無取、無捨，其能證者無作、無止、無任、無滅，於此證中無能、無所，畢竟無證亦無證者，一切法性平等不壞。善男子！彼諸菩薩如是修行，如是漸次，如是思惟，如是住持，如是方便，如是開悟，求如是法，亦不迷悶。」





爾時，世尊欲重宣此義而說偈言：

「普眼汝當知，一切諸眾生，  
身心皆如幻，身相屬四大，  
心性歸六塵。四大體各離，  
誰為和合者？如是漸修行，  
一切悉清淨。不動遍法界，  
無作止任滅，亦無能證者。  
一切佛世界，猶如虛空花，  
三世悉平等，畢竟無來去。  
初發心菩薩，及末世眾生，  
欲求入佛道，應如是修習。」



於是金剛藏菩薩在大眾中即從座起，頂禮佛足右繞三匝，長跪叉手而白佛言：「大悲世尊！善為一切諸菩薩眾宣揚如來圓覺清淨大陀羅尼因地法行漸次方便，與諸眾生開發蒙昧；在會法眾承佛慈誨，幻翳朗然，慧目清淨。世尊！若諸眾生本來成佛，何故復有一切無明？若諸無明眾生本有，何因緣故，如來復說本來成佛？十方異生本成佛道，後起無明；一切如來，何時復生一切煩惱？惟願不捨無遮大慈，為諸菩薩開秘密藏，及為末世一切眾生，得聞如是修多羅教了義法門永斷疑悔。」作是語已五體投地，如是三請終而復始。



爾時，世尊告金剛藏菩薩言：「善哉！善哉！善男子！汝等乃能為諸菩薩及末世眾生，問於如來甚深秘密究竟方便，是諸菩薩最上教誨了義大乘，能使十方修學菩薩及諸末世一切眾生，得決定信，永斷疑悔。汝今諦聽！當為汝說。」時，金剛藏菩薩奉教歡喜，及諸大眾默然而聽。

「善男子！一切世界始終生滅，前後有無，聚散起止，念念相續，循環往復，種種取捨，皆是輪迴。未出輪迴而辯圓覺，彼圓覺性即同流轉；若免輪迴，無有是處。譬如動目能搖湛水；又如定眼由回轉火；雲駛月運，舟



行岸移亦復如是。善男子！諸旋未息，彼物先住尚不可得；何況輪轉生死垢心曾未清淨，觀佛圓覺而不旋復？是故汝等便生三惑。

善男子！譬如幻翳妄見空花，幻翳若除，不可說言：『此翳已滅，何時更起一切諸翳？』何以故？翳花二法非相待故。亦如空花滅於空時，不可說言虛空何時更起空花？何以故？空本無花非起滅故。生死涅槃同於起滅，妙覺圓照離於花翳。善男子！當知虛空非是暫有亦非暫無，況復如來圓覺隨順，而為虛空平等本性。



善男子！如銷金礦，金非銷有；既已成金不重為礦，經無窮時金性不壞。不應說言本非成就，如來圓覺亦復如是。善男子！一切如來妙圓覺心本無菩提及與涅槃，亦無成佛及不成佛，無妄輪迴及非輪迴。

善男子！但諸聲聞所圓境界身心語言皆悉斷滅，終不能至彼之親證所現涅槃，何況能以有思惟心測度如來圓覺境界。如取螢火燒須彌山，終不能著；以輪迴心生輪迴見，入於如來大寂滅海，終不能至。是故我說一切菩薩及末世眾生，先斷無始輪迴根本。善男子！有作思惟從有心起，皆是六塵，妄想緣



氣，非實心體，已如空花。用此思惟辯於佛境，猶如空花復結空果，輾轉妄想無有是處。善男子！虛妄浮心多諸巧見，不能成就圓覺方便。如是分別，非為正問。」

爾時，世尊欲重宣此義而說偈言：

「金剛藏當知，如來寂滅性，  
未曾有終始。若以輪迴心，  
思惟即旋復，但至輪迴際，  
不能入佛海。譬如銷金礦，  
金非銷故有，雖復本來金，  
終以銷成就，一成真金體，



不復重為礦。生死與涅槃，  
凡夫及諸佛，同為空花相。  
思惟猶幻化，何況詰虛妄？  
若能了此心，然後求圓覺。」

於是彌勒菩薩在大眾中即從座起，頂禮佛足右繞三匝，長跪叉手而白佛言：「大悲世尊！廣為菩薩開秘密藏，令諸大眾深悟輪迴、分別邪正，能施末世一切眾生無畏道眼，於大涅槃生決定信，無復重隨輪轉境界起循環見。世尊！若諸菩薩及末世眾生，欲遊如來大寂滅海，云何當斷輪迴根本？於諸輪迴有幾種性？修佛菩提幾等差別？回入塵勞，當



設幾種教化方便度諸眾生？惟願不捨救世大悲，令諸修行一切菩薩及末世眾生，慧目肅清照曜心鏡，圓悟如來無上知見。」作是語已五體投地，如是三請終而復始。

爾時，世尊告彌勒菩薩言：「善哉！善哉！善男子！汝等乃能為諸菩薩及末世眾生，請問如來深奧秘密微妙之義，令諸菩薩潔清慧目，及令一切末世眾生永斷輪迴，心悟實相具無生忍。汝今諦聽！當為汝說。」時，彌勒菩薩奉教歡喜，及諸大眾默然而聽。

「善男子！一切眾生從無始際，由有種種恩





愛、貪欲故有輪迴。若諸世界一切種性，卵生、胎生、溼生、化生，皆因淫欲而正性命，當知輪迴愛為根本。由有諸欲，助發愛性，是故能令生死相續。欲因愛生，命因欲有，眾生愛命還依欲本；愛欲為因，愛命為果。由於欲境起諸違順，境背愛心而生憎、嫉，造種種業，是故復生地獄、餓鬼；知欲可厭，愛厭業道，捨惡樂善，復現天、人；又知諸愛可厭惡故，棄愛樂捨，還滋愛本，便現有為增上善果，皆輪迴故，不成聖道。是故眾生欲脫生死免諸輪迴，先斷貪欲及除愛渴。

善男子！菩薩變化示現世間非愛為本，但以



慈悲令彼捨愛，假諸貪欲而入生死。若諸末世一切眾生能捨諸欲，及除憎愛永斷輪迴，勤求如來圓覺境界，於清淨心便得開悟。

善男子！一切眾生由本貪欲，發揮無明顯出五性，差別不等；依二種障，而現深淺。云何二障？一者理障礙正知見，二者事障續諸生死。云何五性？善男子！若此二障未得斷滅名未成佛；若諸眾生永捨貪欲，先除事障未斷理障，但能悟入聲聞、緣覺，未能顯住菩薩境界。善男子！若諸末世一切眾生，欲泛如來大圓覺海，先當發願勤斷二障，二障已伏即能悟入菩薩境界；若事、理障已永斷



滅即入如來微妙圓覺，滿足菩提及大涅槃。善男子！一切眾生皆證圓覺，逢善知識依彼所作因地法行，爾時修習便有頓漸；若遇如來無上菩提正修行路，根無大小皆成佛果；若諸眾生雖求善友遇邪見者，未得正悟，是則名為外道種性，邪師過謬，非眾生咎。是名眾生五性差別。

善男子！菩薩唯以大悲方便入諸世間開發未悟，乃至示現種種形相逆順境界，與其同事化令成佛，皆依無始清淨願力。若諸末世一切眾生於大圓覺起增上心，當發菩薩清淨大願，應作是言：『願我今者住佛圓覺，求善



知識莫值外道及與二乘。』依願修行，漸斷諸障，障盡願滿，便登解脫清淨法殿，證大圓覺妙莊嚴域。」

爾時，世尊欲重宣此義而說偈言：

「彌勒汝當知，一切諸眾生，  
不得大解脫，皆由貪欲故，  
墮落於生死。若能斷憎愛，  
及與貪瞋癡，不因差別性，  
皆得成佛道。二障永銷滅，  
求師得正悟，隨順菩薩願，  
依止大涅槃。十方諸菩薩，



皆以大悲願，示現入生死。  
現在修行者，及末世眾生，  
勤斷諸愛見，便歸大圓覺。」

於是清淨慧菩薩在大眾中即從座起，頂禮佛足右繞三匝，長跪叉手而白佛言：「大悲世尊！為我等輩廣說如是不思議事，本所不見本所不聞，我等今者蒙佛善誘，身心泰然得大饒益，願為諸來一切法眾重宣法王圓滿覺性，一切眾生及諸菩薩、如來世尊所證所得云何差別？令末世眾生聞此聖教，隨順開悟漸次能入。」作是語已五體投地，如是三請終而復始。



爾時，世尊告清淨慧菩薩言：「善哉！善哉！善男子！汝等乃能為末世眾生，請問如來漸次差別。汝今諦聽！當為汝說。」時，清淨慧菩薩奉教歡喜，及諸大眾默然而聽。

「善男子！圓覺自性，非性性有，循諸性起，無取無證，於實相中實無菩薩及諸眾生。何以故？菩薩眾生皆是幻化，幻化滅故無取證者。譬如眼根不自見眼，性自平等。無平等者，眾生迷倒，未能除滅一切幻化，於滅未滅，妄功用中便顯差別；若得如來寂滅隨順，實無寂滅及寂滅者。

善男子！一切眾生從無始來由妄想我及愛我



者，曾不自知念念生滅，故起憎愛，耽著五欲；若遇善友教令開悟淨圓覺性發明起滅，即知此生性自勞慮。若復有人勞慮永斷得法界淨，即彼淨解為自障礙，故於圓覺而不自在。此名凡夫隨順覺性。

善男子！一切菩薩，見解為礙，雖斷解礙，猶住見覺，覺礙為礙而不自在；此名菩薩未入地者隨順覺性。

善男子！有照有覺俱名障礙，是故菩薩常覺不住，照與照者同時寂滅，譬如有人自斷其首，首已斷故無能斷者；則以礙心自滅諸礙，



礙已斷滅無滅礙者。修多羅教如標月指，若復見月，了知所標畢竟非月；一切如來種種言說開示菩薩亦復如是。此名菩薩已入地者隨順覺性。

善男子！一切障礙即究竟覺，得念、失念無非解脫，成法、破法皆名涅槃，智慧、愚癡通為般若，菩薩、外道所成就法同是菩提，無明、真如無異境界，諸戒、定、慧及淫、怒、癡俱是梵行，眾生、國土同一法性，地獄、天宮皆為淨土，有性、無性齊成佛道；一切煩惱畢竟解脫，法界海慧照了諸相猶如虛空。此名如來隨順覺性。





善男子！但諸菩薩及末世眾生，居一切時不起妄念，於諸妄心亦不息滅，住妄想境不加了知，於無了知不辨真實。彼諸眾生聞是法門，信解受持不生驚畏。是則名為隨順覺性。善男子！汝等當知！如是眾生已曾供養百千萬億恆河沙諸佛及大菩薩，植眾德本；佛說是人名為成就一切種智。」

爾時，世尊欲重宣此義而說偈言：

「清淨慧當知，圓滿菩提性，  
無取亦無證，無菩薩眾生。  
覺與未覺時，漸次有差別，



眾生為解礙，菩薩未離覺。  
入地永寂滅，不住一切相，  
大覺悉圓滿，名為遍隨順。  
末世諸眾生，心不生虛妄，  
佛說如是人，現世即菩薩。  
供養恆沙佛，功德已圓滿，  
雖有多方便，皆名隨順智。」

於是威德自在菩薩在大眾中即從座起，頂禮佛足右繞三匝，長跪叉手而白佛言：「大悲世尊！廣為我等分別如是隨順覺性，令諸菩薩覺心光明承佛圓音，不因修習而得善利。世尊！譬如大城外有四門，隨方來者非止一



路，一切菩薩莊嚴佛國及成菩提非一方便。唯願世尊！廣為我等宣說一切方便漸次，並修行人總有幾種？令此會菩薩及末世眾生求大乘者，速得開悟，遊戲如來大寂滅海。」作是語已五體投地，如是三請終而復始。

爾時，世尊告威德自在菩薩言：「善哉！善哉！善男子！汝等乃能為諸菩薩及末世眾生，問於如來如是方便。汝今諦聽！當為汝說。」時，威德自在菩薩奉教歡喜，及諸大眾默然而聽。

「善男子！無上妙覺遍諸十方出生如來，與



一切法同體平等，於諸修行實無有二。方便隨順其數無量，圓攝所歸，循性差別當有三種。

善男子！若諸菩薩悟淨圓覺，以淨覺心，取靜為行；由澄諸念，覺識煩動，靜慧發生，身心客塵從此永滅，便能內發寂靜輕安；由寂靜故，十方世界諸如來心於中顯現，如鏡中像。此方便者名奢摩他。

善男子！若諸菩薩悟淨圓覺，以淨覺心，知覺心性及與根塵皆因幻化，即起諸幻以除幻者，變化諸幻而開幻眾；由起幻故，便能內發大悲輕安，一切菩薩從此起行，漸次



增進。彼觀幻者非同幻故，非同幻觀皆是幻故，幻相永離；是諸菩薩所圓妙行，如土長苗。此方便者名三摩鉢提。

善男子！若諸菩薩悟淨圓覺，以淨覺心不取幻化及諸靜相，了知身心皆為罣礙；無知覺明不依諸礙，永得超過礙，無礙境、受用世界及與身心，相在塵域；如器中錙聲出於外，煩惱涅槃不相留礙，便能內發寂滅輕安、妙覺隨順、寂滅境界，自他身心所不能及，眾生壽命皆為浮想。此方便者名為禪那。

善男子！此三法門皆是圓覺。親近隨順十方



如來，因此成佛十方菩薩種種方便，一切同異皆依如是三種事業，若得圓證即成圓覺。

善男子！假使有人修於聖道，教化成就百千萬億阿羅漢、辟支佛果，不如有人聞此圓覺無礙法門，一剎那頃隨順修習。」

爾時，世尊欲重宣此義而說偈言：

「威德汝當知，無上大覺心，  
本際無二相，隨順諸方便，  
其數即無量。如來總開示，  
便有三種類，寂靜奢摩他，



如鏡照諸像；如幻三摩提，  
如苗漸增長；禪那唯寂滅，  
如彼器中鎗。三種妙法門，  
皆是覺隨順，十方諸如來，  
及諸大菩薩，因此得成道。  
三事圓證故，名究竟涅槃。」

於是辯音菩薩在大眾中即從座起，頂禮佛足右繞三匝，長跪叉手而白佛言：「大悲世尊！如是法門甚為希有！世尊！此諸方便一切菩薩於圓覺門有幾修習？願為大眾及末世眾生，方便開示令悟實相。」作是語已五體投地，如是三請終而復始。



爾時，世尊告辯音菩薩言：「善哉！善哉！善男子！汝等乃能為諸大眾及末世眾生，問於如來，如是修習。汝今諦聽！當為汝說。」時，辯音菩薩奉教歡喜，及諸大眾默然而聽。

「善男子！一切如來圓覺清淨本無修習及修習者，一切菩薩及末世眾生依於未覺幻力修習，爾時便有二十五種清淨定輪：

若諸菩薩唯取極靜，由靜力故永斷煩惱究竟成就，不起於座便入涅槃；此菩薩者，名單修奢摩他。

若諸菩薩唯觀如幻，以佛力故變化世界種種





作用，備行菩薩清淨妙行，於陀羅尼不失寂念及諸靜慧，此菩薩者，名單修三摩鉢提。

若諸菩薩唯滅諸幻，不取作用獨斷煩惱，煩惱斷盡便證實相；此菩薩者，名單修禪那。

若諸菩薩先取至靜，以靜慧心照諸幻者，便於是中起菩薩行；此菩薩者，名先修奢摩他，後修三摩鉢提。

若諸菩薩以靜慧故證至靜性，便斷煩惱永出生死；此菩薩者，名先修奢摩他，後修禪那。

若諸菩薩以寂靜慧，復現幻力種種變化度諸



眾生，後斷煩惱而入寂滅；此菩薩者，名先修奢摩他，中修三摩鉢提，後修禪那。

若諸菩薩以至靜力斷煩惱已，後起菩薩清淨妙行度諸眾生；此菩薩者，名先修奢摩他，中修禪那，後修三摩鉢提。

若諸菩薩以至靜力心斷煩惱，復度眾生建立世界；此菩薩者，名先修奢摩他，齊修三摩鉢提、禪那。

若諸菩薩以至靜力資發變化，後斷煩惱；此菩薩者，名齊修奢摩他、三摩鉢提，後修禪那。



若諸菩薩以至靜力用資寂滅，後起作用變化世界；此菩薩者，名齊修奢摩他、禪那，後修三摩鉢提。

若諸菩薩以變化力種種隨順，而取至靜；此菩薩者，名先修三摩鉢提，後修奢摩他。

若諸菩薩以變化力種種境界，而取寂滅；此菩薩者，名先修三摩鉢提，後修禪那。

若諸菩薩以變化力而作佛事，安住寂靜，而斷煩惱；此菩薩者，名先修三摩鉢提，中修奢摩他，後修禪那。



若諸菩薩以變化力無礙作用，斷煩惱故，安住至靜；此菩薩者，名先修三摩鉢提，中修禪那，後修奢摩他。

若諸菩薩以變化力方便作用，至靜、寂滅二俱隨順；此菩薩者，名先修三摩鉢提，齊修奢摩他、禪那。

若諸菩薩以變化力種種起用，資於至靜，後斷煩惱；此菩薩者，名齊修三摩鉢提、奢摩他，後修禪那。

若諸菩薩以變化力資於寂滅，後住清淨，無



作靜慮；此菩薩者，名齊修三摩鉢提、禪那，後修奢摩他。

若諸菩薩以寂滅力而起至靜，住於清淨；此菩薩者，名先修禪那，後修奢摩他。

若諸菩薩以寂滅力而起作用，於一切境寂用隨順；此菩薩者，名先修禪那，後修三摩鉢提。

若諸菩薩以寂滅力種種自性，安於靜慮，而起變化；此菩薩者，名先修禪那，中修奢摩他，後修三摩鉢提。

若諸菩薩以寂滅力無作自性起於作用，清淨



境界歸於靜慮；此菩薩者，名先修禪那，中修三摩鉢提，後修奢摩他。

若諸菩薩以寂滅力種種清淨，而住靜慮起於變化；此菩薩者，名先修禪那，齊修奢摩他、三摩鉢提。

若諸菩薩以寂滅力資於至靜，而起變化；此菩薩者，名齊修禪那、奢摩他，後修三摩鉢提。

若諸菩薩以寂滅力資於變化，而起至靜清明境慧；此菩薩者，名齊修禪那、三摩鉢提，後修奢摩他。



若諸菩薩以圓覺慧圓合一切，於諸性相無離覺性；此菩薩者，名為圓修三種自性清淨隨順。

善男子！是名菩薩二十五輪，一切菩薩修行如是。若諸菩薩及末世眾生依此輪者，當持梵行，寂靜思惟，求哀懺悔，經三七日。於二十五輪各安標記，至心求哀，隨手結取；依結開示便知頓漸，一念疑悔即不成就。」

爾時，世尊欲重宣此義而說偈言：

「辯音汝當知，一切諸菩薩，  
無礙清淨慧，皆依禪定生。」



所謂奢摩他，三摩提禪那，  
三法頓漸修，有二十五種。  
十方諸如來，三世修行者，  
無不因此法，而得咸菩提；  
唯除頓覺人，并法不隨順。  
一切諸菩薩，及末世眾生，  
常當持此輪，隨順勤修習，  
依佛大悲力，不久證涅槃。」

於是淨諸業障菩薩在大眾中即從座起，頂禮佛足右繞三匝，長跪叉手而白佛言：「大悲世尊！為我等輩廣說如是不思議事一切如來因地行相，令諸大眾得未曾有，睹見調御歷恆沙劫勤苦境界，一切功用猶如一念，我等





菩薩深自慶慰。世尊！若此覺心本性清淨，因何染汙，使諸眾生迷悶不入？唯願如來廣為我等開悟法性，令此大眾及末世眾生作將來眼。」作是語已五體投地，如是三請終而復始。

爾時，世尊告淨諸業障菩薩言：「善哉！善哉！善男子！汝等乃能為諸大眾及末世眾生，諮問如來如是方便。汝今諦聽！當為汝說。」時，淨諸業障菩薩奉教歡喜，及諸大眾默然而聽。

「善男子！一切眾生從無始來，妄想執有



我、人、眾生及與壽命，認四顛倒為實我體，由此便生憎愛二境。於虛妄體重執虛妄，二妄相依生妄業道，有妄業故妄見流轉，厭流轉者妄見涅槃。由此不能入清淨覺，非覺違拒諸能入者，有諸能入，非覺入故。是故動念及與息念皆歸迷悶，何以故？由有無始本起無明為己主宰，一切眾生生無慧目，身心等性皆是無明，譬如有人不自斷命。是故當知！有愛我者我與隨順，非隨順者便生憎怨，為憎愛心養無明故，相續求道皆不成就。

善男子！云何我相？謂諸眾生心所證者。善男子！譬如有人百骸調適忽忘我身；四肢絃



緩，攝養乖方，微加針艾，則知有我。是故證取方現我體。善男子！其心乃至證於如來，畢竟了知清淨涅槃皆是我相。

善男子！云何人相？謂諸眾生心悟證者。善男子！悟有我者，不復認我，所悟非我，悟亦如是。悟已超過一切證者，悉為人相。善男子！其心乃至圓悟涅槃俱是我者，心存少悟備殫證理，皆名人相。

善男子！云何眾生相？謂諸眾生心自證悟所不及者。善男子！譬如有人作如是言：『我是眾生。』則知彼人說眾生者非我非彼。云



何非我？我是眾生，則非是我。云何非彼？我是眾生，非彼我故。善男子！但諸眾生了證了悟皆為我、人，而我、人相所不及者，存有所了，名眾生相。

善男子！云何壽命相？謂諸眾生心照清淨覺所了者，一切業智所不自見猶如命根。善男子！若心照見一切覺者皆為塵垢，覺、所覺者不離塵故；如湯銷冰無別有冰，知冰銷者，存我、覺我亦復如是。

善男子！末世眾生不了四相，雖經多劫勤苦修道，但名有為，終不能成一切聖果，是故



名為正法末世。何以故？認一切我為涅槃故，有證有悟名成就故。譬如有人認賊為子，其家財寶終不成就。何以故？有我愛者亦愛涅槃，伏我愛根為涅槃相；有憎我者亦憎生死，不知愛者真生死故，別憎生死，名不解脫。

云何當知法不解脫？善男子！彼末世眾生習菩提者，以己微證為自清淨，猶未能盡我相根本。若復有人讚歎彼法，即生歡喜便欲濟度；若復誹謗彼所得者便生瞋恨。則知我相堅固執持，潛伏藏識，遊戲諸根曾不間斷。善男子！彼修道者不除我相，是故不能入清



淨覺。善男子！若知我空，無毀我者，有我說法，我未斷故，眾生、壽命亦復如是。

善男子！末世眾生說病為法，是故名為可憐愍者；雖勤精進增益諸病，是故不能入清淨覺。善男子！末世眾生不了四相，以如來解及所行處為自修行終不成就。或有眾生未得謂得、未證謂證、見勝進者心生嫉妒；由彼眾生未斷我愛，是故不能入清淨覺。善男子！末世眾生希望成道無令求悟，唯益多聞增長我見；但當精勤降伏煩惱起大勇猛，未得令得、未斷令斷，貪、瞋、愛、慢、諂曲、嫉妒對境不生，彼我恩愛一切寂滅，佛說是



人漸次成就。求善知識不墮邪見，若於所求別生憎愛，則不能入清淨覺海。」

爾時，世尊欲重宣此義而說偈言：

「淨業汝當知，一切諸眾生，  
皆由執我愛，無始妄流轉，  
未除四種相，不得成菩提。  
愛憎生於心，諂曲存諸念，  
是故多迷悶，不能入覺城。  
若能歸悟剎，先去貪瞋癡，  
法愛不存心，漸次可成就。  
我身本不有，憎愛何由生？」



此人求善友，終不墮邪見。

所求別生心，究竟非成就。」

於是普覺菩薩在大眾中即從座起，頂禮佛足右繞三匝，長跪叉手而白佛言：「大悲世尊！快說禪病！令諸大眾得未曾有，心意蕩然獲大安隱。世尊！末世眾生去佛漸遠，賢聖隱伏邪法增熾，使諸眾生求何等人？依何等法？行何等行？除去何病？云何發心令彼群盲不墮邪見？」作是語已五體投地，如是三請終而復始。

爾時，世尊告普覺菩薩言：「善哉！善哉！





善男子！汝等乃能諮問如來如是修行，能施末世一切眾生無畏道眼，令彼眾生得成聖道。汝今諦聽！當為汝說。」時，普覺菩薩奉教歡喜，及諸大眾默然而聽。

「善男子！末世眾生將發大心求善知識欲修行者，當求一切正知見人。心不住相，不著聲聞、緣覺境界，雖現塵勞心恆清淨，示有諸過讚歎梵行，不令眾生入不律儀。求如是人即得成就阿耨多羅三藐三菩提；末世眾生見如是人應當供養不惜身命。彼善知識四威儀中常現清淨，乃至示現種種過患，心無驕慢，況復摶財、妻子、眷屬。若善男子於彼



善友不起惡念，即能究竟成就正覺，心花發明照十方剎。

善男子！彼善知識所證妙法應離四病。云何四病？一者作病，若復有人作如是言：『我於本心作種種行欲求圓覺。』彼圓覺性非作得故，說名為病。二者任病，若復有人作如是言：『我等今者不斷生死、不求涅槃，涅槃、生死無起滅念，任彼一切隨諸法性欲求圓覺。』彼圓覺性非任有故，說名為病。三者止病，若復有人作如是言：『我今自心永息諸念得一切性，寂然平等欲求圓覺。』彼圓覺性非止合故，說名為病。四者滅病，若



復有人作如是言：『我今永斷一切煩惱，身心畢竟空無所有，何況根塵虛妄境界，一切永寂欲求圓覺。』彼圓覺性非寂相故，說名為病。離四病者則知清淨，作是觀者名為正觀，若他觀者名為邪觀。

善男子！末世眾生欲修行者，應當盡命供養善友、事善知識，彼善知識欲來親近應斷驕慢，若復遠離應斷瞋恨；現逆順境猶如虛空，了知身心畢竟平等，與諸眾生同體無異，如是修行方入圓覺。善男子！末世眾生不得成道，由有無始自他憎愛一切種子故未解脫。若復有人，觀彼怨家如己父母心無有二，即



除諸病；於諸法中自他憎愛亦復如是。善男子！末世眾生欲求圓覺應當發心作如是言：『盡於虛空一切眾生，我皆令入究竟圓覺，於圓覺中無取覺者，除彼、我、人一切諸相。』如是發心，不墮邪見。」

爾時，世尊欲重宣此義而說偈言：

「普覺汝當知，末世諸眾生，  
欲求善知識，應當求正見，  
心遠二乘者。法中除四病，  
謂作止任滅；親近無驕慢，  
遠離無瞋恨。見種種境界，



心當生希有，還如佛出世。  
不犯非律儀，戒根永清淨，  
度一切眾生，究竟入圓覺。  
無彼我人相，當依正智慧，  
便得超邪見，證覺般涅槃。」

於是圓覺菩薩在大眾中即從座起，頂禮佛足右繞三匝，長跪叉手而白佛言：「大悲世尊！為我等輩廣說淨覺種種方便，令末世眾生有大增益。世尊！我等今者已得開悟，若佛滅後末世眾生未得悟者，云何安居修此圓覺清淨境界？此圓覺中三種淨觀以何為首？唯願大悲為諸大眾及末世眾生施大饒益。」作是語已五體投地，如是三請終而復始。



爾時，世尊告圓覺菩薩言：「善哉！善哉！善男子！汝等乃能問於如來如是方便，以大饒益施諸眾生。汝今諦聽！當為汝說。」時，圓覺菩薩奉教歡喜，及諸大眾默然而聽。

「善男子！一切眾生，若佛住世，若佛滅後、若法末時，有諸眾生具大乘性，信佛秘密大圓覺心，欲修行者，若在伽藍安處徒眾，有緣事故隨分思察，如我已說；若復無有他事因緣，即建道場當立期限，若立長期百二十日、中期百日，下期八十日，安置淨居。若佛現在，當正思惟；若佛滅後，施設形像，心存目想生正憶念，還同如來常住之



日。懸諸幡花經三七日，稽首十方諸佛名字，求哀懺悔；遇善境界得心輕安。過三七日，一向攝念。

若經夏首，三月安居，當為清淨菩薩止住，心離聲聞不假徒眾。至安居日即於佛前作如是言：『我比丘、比丘尼、優婆塞、優婆夷某甲，踞菩薩乘修寂滅行，同入清淨實相住持，以大圓覺為我伽藍，身心安居，平等性智，涅槃自性，無繫屬故。今我敬請不依聲聞，當與十方如來及大菩薩三月安居，為修菩薩無上妙覺大因緣故不繫徒眾。』善男子！此名菩薩示現安居，過三期日隨往無



礙。善男子！若彼末世修行眾生求菩薩道入三期者，非彼所聞一切境界終不可取。

善男子！若諸眾生修奢摩他，先取至靜不起思念，靜極便覺。如是初靜，從於一身至一世界，覺亦如是。善男子！若覺遍滿一世界者，一世界中有一眾生起一念者皆悉能知，百千世界亦復如是；非彼所聞一切境界終不可取。

善男子！若諸眾生修三摩鉢提，先當憶想十方如來、十方世界一切菩薩，依種種門漸次修行勤苦三昧，廣發大願自熏成種；非彼所





聞一切境界終不可取。

善男子！若諸眾生修於禪那，先取數門，心中了知生住滅念，分齊頭數，如是周遍四威儀中，分別念數無不了知，漸次增進乃至得知百千世界一滴之雨，猶如目睹所受用物；非彼所聞一切境界終不可取。是名三觀初首方便。若諸眾生，遍修三種勤行精進，即名如來出現於世；若後末世鈍根眾生心欲求道，不得成就由昔業障，當勤懺悔常起希望，先斷憎、愛、嫉妒、諂曲，求勝上心，三種淨觀隨學一事，此觀不得復習彼觀，心不放捨漸次求證。」



爾時，世尊欲重宣此義而說偈言：

「圓覺汝當知，一切諸眾生，  
欲求無上道，先當結三期，  
懺悔無始業。經於三七日，  
然後正思惟，非彼所聞境，  
畢竟不可取。奢摩他至靜，  
三摩正憶持，禪那明數門，  
是名三淨觀。若能勤修習，  
是名佛出世。鈍根未成者，  
常當勤心懺，無始一切罪，  
諸障若消滅，佛境便現前。」



於是賢善首菩薩在大眾中即從座起，頂禮佛足右繞三匝，長跪叉手而白佛言：「大悲世尊！廣為我等及末世眾生，開悟如是不思議事。世尊！此大乘教名字何等？云何奉持？眾生修習得何功德？云何使我護持經人？流布此教至於何地？」作是語已五體投地，如是三請終而復始。

爾時，世尊告賢善首菩薩言：「善哉！善哉！善男子！汝等乃能為諸菩薩及末世眾生，問於如來如是經教功德名字。汝今諦聽！當為汝說。」時，賢善首菩薩奉教歡喜，及諸大眾默然而聽。



「善男子！是經百千萬億恆河沙諸佛所說，三世如來之所守護，十方菩薩之所歸依，十二部經清淨眼目，是經名大方廣圓覺陀羅尼，亦名修多羅了義，亦名祕密王三昧，亦名如來決定境界，亦名如來藏自性差別，汝當奉持。善男子！是經唯顯如來境界，唯佛如來能盡宣說；若諸菩薩及末世眾生依此修行，漸次增進至於佛地。善男子！是經名為頓教大乘，頓機眾生從此開悟，亦攝漸修一切群品。譬如大海不讓小流，乃至蚊虻及阿修羅飲其水者，皆得充滿。」

善男子！假使有人純以七寶積滿三千大千世



界以用布施，不如有人聞此經名及一句義。善男子！假使有人教百恆河沙眾生得阿羅漢果，不如有人宣說此經分別半偈。善男子！若復有人聞此經名信心不惑，當知是人非於一佛二佛種諸福慧，如是乃至盡恆河沙一切佛所種諸善根聞此經教。汝善男子！當護末世是修行者，無令惡魔及諸外道惱其身心令生退屈。」

爾時，世尊欲重宣此義而說偈言：

「賢善首當知，是經諸佛說，  
如來等護持，十二部眼目，  
名為大方廣，圓覺陀羅尼。」



顯如來境界，依此修行者，  
增進至佛地。如海納百川，  
飲者皆充滿。假使施七寶，  
積滿三千界，不如聞此經；  
若化河沙眾，皆得阿羅漢，  
不如聞半偈；汝等於來世，  
護是宣持者，無令生退屈。」

爾時，會中有火首金剛、摧碎金剛、尼藍婆金剛等八萬金剛并其眷屬即從座起，頂禮佛足，右繞三匝而白佛言：「世尊！若後末世，一切眾生有能持此決定大乘，我當守護如護眼目；乃至道場所修行處，我等金剛自



領徒眾晨夕守護，令不退轉。其家乃至永無災障，疫病消滅，財寶豐足常不乏少。」

爾時，大梵天王、二十八天王并須彌山王、護國天王等即從座起，頂禮佛足，右繞三匝而白佛言：「世尊！我亦守護是持經者，常令安隱心不退轉。」

爾時，有大力鬼王名吉槃荼與十萬鬼王即從座起，頂禮佛足，右繞三匝而白佛言：「世尊！我亦守護是持經人，朝夕侍衛令不退屈。其所居一由旬內，若有鬼神侵其境界，我當使其碎如微塵。」



佛說此經已，一切菩薩、天龍、鬼神八部眷屬及諸天王、梵王等一切大眾，聞佛所說，皆大歡喜，信受奉行。

大方廣圓覺修多羅了義經





## 消災吉祥神咒

曩謨三滿哆 母馱喃 阿鉢囉底

賀多舍 娑曩喃 怛姪他 唵 佉佉

佉呬 佉呬 吽吽 入嚩囉 入嚩囉

鉢囉入嚩囉 鉢囉入嚩囉 底瑟姹

底瑟姹 瑟致哩 瑟致哩 娑發吒

娑發吒 扇底迦 室哩曳 娑嚩訶



## 補闕真言

南謨喝囉怛那 哆囉夜耶 佉囉佉囉

俱住俱住 摩囉摩囉 虎囉吽 賀賀

蘇怛拏 吽 潑抹拏 娑婆訶

## 圓滿補闕真言

唵 呼嚧呼嚧 社曳穆契 娑訶

## 普迴向真言

唵 娑摩囉 娑摩囉

彌摩曩 薩嚩訶 摩訶斫迦囉嚩吽



## 讚

十二大士 啟教弘開

頓悟清淨圓覺海 入陀羅尼門

隨順覺性 赴機廣宣揚

南無圓覺會上佛菩薩（三稱）

## 迴向偈

願消三障諸煩惱 願得智慧真明了

普願罪障悉消除 世世常行菩薩道



## 三皈依

自皈依佛 當願眾生  
體解大道 發無上心

自皈依法 當願眾生  
深入經藏 智慧如海

自皈依僧 當願眾生  
統理大眾 一切無礙



南無護法韋馱尊天菩薩





## 弘揚經教 廣種福田

兩千六百年前，為了讓眾生離苦得樂，證悟的釋迦牟尼佛住世說法四十九年。佛經正是佛陀應機說法的真實紀錄，對於後世弟子，更是學習佛法的寶藏。

助印佛經，功德無量。以下為佛陀在經典中對於功德的描述：《妙法蓮華經》卷六〈法師功德品第十九〉云：「若善男子、善女人，受持是法華經，若讀、若誦、若解說、若書寫，是人當得八百眼功德、千二百耳功德、八百鼻功德、千二百舌功德、八百身功德、千二百意功德，以是功德，莊嚴六根，皆令清淨。」



《藥師琉璃光如來本願功德經》云：「隨於何等村城、國邑、空閒林中，若有流布此經，或復受持藥師琉璃光如來名號，恭敬供養者，我等眷屬衛護是人，皆使解脫一切苦難；諸有願求，悉令滿足。或有疾厄求度脫者，亦應讀誦此經，以五色縷，結我名字，得如願已，然後解結。」

助印經典，可同時圓滿財布施、法布施、無畏施。捐款助印是財布施；助印經典，使佛法流傳廣布，是法布施；眾生因受持讀誦而心無罣礙，無有恐怖，是無畏施。因此助印經典是最殊勝的供養之一。

印光大師在其所著的《印造佛經佛像之十大利益》中說：



- 一、從前所作種種罪過，輕者立即消滅，重者亦得轉輕。
- 二、常得吉神擁護，一切瘟疫、水火、盜賊、刀兵、牢獄之災，悉皆不受。
- 三、夙世怨懟，咸蒙法益，而得解脫，永免尋仇報復之苦。
- 四、夜叉惡鬼，不能侵犯，毒蛇虎狼，不能危害。
- 五、心得安慰，日無險事，夜無惡夢，顏色光澤，氣力充盛，所作吉利。





- 六、所言所行，人天歡喜，所到之處，常為大眾愛戴。
- 七、至心奉法，雖無希求，自然衣食豐足，家庭和睦，福祿綿長。
- 八、愚者轉智，病者轉健，困者轉亨，厭女身者，報謝之日，捷轉男身。
- 九、永離惡道，受生善處，相貌端正，天資卓越，福祿殊勝。
- 十、能為一切眾生，種植善根；以眾生心，做大福田，獲無量勝果。所生之處，常得見佛聞法，直到三慧宏開，六通親證，速得成佛。



金菩提宗師也在開示中諄諄告誡弟子們，發心建設佛殿、助印經典、供養道場，可獲得以下十大功德利益：

- 一、身心靈整體之健康。
- 二、獲得財富。
- 三、獲得智慧，學業順利。
- 四、事業成功。
- 五、情感美滿，家庭幸福。
- 六、化解災難，遇難呈祥。



七、改邪歸正，戒除一切惡習。

八、開悟圓滿。

九、得完美人身，五官端正、莊嚴，皮膚光潔，男子體態健壯，女子體態柔軟，體味芳香，聰明智慧，魅力十足。

十、獲得能量，天人合一。

感恩所有發心助印者，因為您的發心，大眾將得以親近佛法、解脫煩惱。您所獲功德勝過須彌山與恆河沙數，不可思議！



普為出資及讀誦受持  
輾轉流通者迴向偈曰

願以此功德	消除宿現業
增長諸福慧	圓成勝善根
所有刀兵劫	疾疫饑饉等
悉皆盡滅除	人各習禮讓
讀誦受持人	輾轉流通者
現眷咸安樂	先亡獲超昇
風雨常調順	人民悉康寧
法界諸含識	同證無上道



國際菩提禪修機構  
主要禪堂聯絡方式



## 國際菩提禪修機構主要禪堂聯絡方式

### 各地禪堂詳細地址請查詢

菩提法門官方網站：[puti.org](http://puti.org)

如來論壇：[www.putihome.org](http://www.putihome.org)

## 加拿大

### 加拿大溫哥華菩提禪堂

電話：1-604-276-2885

電郵：[register@bodhimitationca.org](mailto:register@bodhimitationca.org)

地址：7740 Alderbridge Way, Richmond, BC, V6X 2A3, Canada

### 加拿大多倫多菩提禪堂

電話：1-416-223-1462

電郵：[infotor@bodhimitationca.org](mailto:infotor@bodhimitationca.org)

地址：#180 Yorkland Blvd, North York, Ontario, M2J 1R5, Canada

### 加拿大多倫多寶樹菩提禪堂

電話：1-905-237-6802

電郵：[infobs@bodhimitationca.org](mailto:infobs@bodhimitationca.org)

地址：676 Major Mackenzie Drive East, Richmond Hill, Ontario,  
L4C 1J9, Canada



## 美國

### 美國洛杉磯菩提禪堂

電話：1-626-457-5316 或 1-909-612-9636

電郵：Info@bodhila.org

地址：583 Monterey Pass Rd., Monterey Park, CA 91754, USA

### 美國白蓮菩提禪堂

電話：1-408-843-1638

電郵：Info@putibayarea.org

地址：919 Hanson Court, Milpitas, CA 95035, USA

網址：www.putibayarea.org

### 美國舊金山菩提禪堂

電話：1-415-665-5136 或 1-415-889-6898

電郵：putisfo@gmail.com

地址：2575 Ocean Ave., San Francisco, CA 94116, USA

### 美國紐約菩提禪堂

電話：1-718-886-1122

電郵：putiny@putinewyork.org

地址：35-05 Farrington Street, Flushing, NY 11354, USA



## 國際菩提禪修機構主要禪堂聯絡方式

### 美國波士頓菩提禪堂

電話：1-781-874-1023

電郵：bodhi@putiboston.org

地址：101 Mystic Ave., Medford MA 02155, USA

## 台灣

### 台灣台北菩提禪堂

電話：886-2-2313-1177

電郵：contact.tp@meditation.org.tw

地址：台灣台北市中正區衡陽路 51 號 13 樓（東側電梯）

### 台灣新北海山菩提禪堂

電話：886-2-2274-1333

電郵：contact.ntp@meditation.org.tw

地址：台灣新北市土城區明德路二段 58 號 4 樓

### 台灣台中菩提禪堂

電話：886-4-2328-0767

電郵：contact.tc@meditation.org.tw

地址：台灣台中市西區美村路一段 22 號 6 樓





## 台灣嘉義菩提禪堂

電話：886-5-234-2828

電郵：contact.cy@meditation.org.tw

地址：台灣嘉義市西區友愛路 288 號 10 樓

## 韓國

### 韓國首爾白玉菩提禪修中心

電話：82-2-586-6185

電郵：shouerchanyuan@gmail.com

地址：韓國首爾特別市銅雀區舍堂路 253-3，3-5 樓

### 韓國首爾大林菩提禪修中心

電話：82-2-832-0852

電郵：dalinchantang2017@gmail.com

地址：韓國首爾特別市永登浦區大林路 88 號 3 樓 /6 樓

### 韓國安山菩提禪修中心

電話：82-31-405-6185

電郵：anshanchanyuan1@gmail.com

地址：韓國京畿道安山市檀園區光德 3 路 145-17，2-4 樓



## 國際菩提禪修機構主要禪堂聯絡方式

### 韓國釜山松亭菩提禪修中心

電話：82-51-744-7735

電郵：songtingchanyuan@gmail.com

地址：韓國釜山市海雲台區松亭江邊路 3 號

### 韓國釜山海雲台菩提禪修中心

電話：82-51-702-7746

電郵：haiyuntaichanyuan@gmail.com

地址：韓國釜山市海雲台區左洞路 88 號 15 樓

### 韓國釜山西面菩提禪修中心

電話：82-51-806-3355

電郵：ximiancenter3355@gmail.com

地址：韓國釜山廣域市釜山鎮區西面路 25，8 樓

### 韓國大邱菩提禪修中心

電話：82-53-290-4060

電郵：putidaqu@gmail.com

地址：韓國大邱廣域市東區新川三洞 137-3，3 樓



## 新加坡

### 新加坡菩提禪堂

電話：65-6299-1262

電郵：enquiry@mabsg.com

地址：896 Dunearn Road #02-02/03 Singapore 589472

### 新加坡福壽菩提禪堂

電話：65-6513-1311

電郵：enquiry@mabsg.com

地址：20 Upper Circular Road, The Riverwalk #01-39/41,  
Singapore 058416

## 印度尼西亞

### 印度尼西亞雅加達菩提禪堂

電話：62-21-2907-0735 或 62-811-1686-336

電郵：contact@bodhimitationindonesia.org

地址：Mega Glodok Kemayoran, Office Tower A, Lantai 7, Jl.  
Raya Angkasa Kav. B-6, Jakarta Pusat 10610, Indonesia



## 馬來西亞

### 馬來西亞寶靈菩提禪堂

電話：60-3-7956-1603 或 60-3-7958-1603

電郵：bm@gisb.my

地址：2A, Jalan 13/1, Seksyen 13, 46200 Petaling Jaya,  
Selangor Darul Ehsan, Malaysia

網址：www.puti.my

### 馬來西亞交來菩提禪堂

電話：60-3-9283-2266

電郵：bm@gisb.my

地址：L3A-001, 1 Shamelin Shopping Mall, 100, Jalan 4/91,  
Taman Shamelin Perkasa, 56100 Kuala Lumpur, Malaysia

### 馬來西亞甲洞菩提禪堂

電話：60-3-6259-1177

電郵：bm@gisb.my

地址：L18-26, Level 3 Brem mall, Jalan Kepong,  
52000 Kuala Lumpur, Wilayah Persekutuan, Malaysia



### 馬來西亞芙蓉菩提禪堂

電話：60-6-6307-588

電郵：bm@gisb.my

地址：60, Jalan S2 F1, Garden Homes, Seremban 2,  
70300 Seremban, Negeri Sembilan, Malaysia

### 馬來西亞吧生龍泉菩提禪堂

電話：60-3-3345-6688

電郵：bm@gisb.my

地址：Level 6, No.39-A, Block A/KU01, Casa Klang, Jalan Meru,  
41050 Klang, Selangor Darul Ehsan, Malaysia

### 馬來西亞新山妙法菩提禪堂

電話：60-7-2121-938

電郵：bm@gisb.my

地址：A03-03, 1 Tebrau, Jalan Tebrau, Kampung Setanggi,  
80250 Johor Bahru, Johor, Malaysia



## 國際菩提禪修機構主要禪堂聯絡方式

### 馬來西亞檳城明月菩提禪堂

電話：60-4-2859-288

電郵：bm@gisb.my

地址：35-6, Axis Complex Level 6, Jalan Cantonment,  
10350 Georgetown, Penang, Malaysia

### 馬來西亞怡保菩提禪堂

電話：60-5-5491-211

電郵：bm@gisb.my

地址：A-1-10, Intan Business Centre 1, Leboh Medan Ipoh,  
Bandar Baru Medan Ipoh, 31400 Ipoh, Perak, Malaysia

## 緬甸

### 緬甸仰光金菩提禪堂

電話：95-19-553-500 或 95-19-555-017

電郵：jinbodhi.mmr@gmail.com

地址：1st Floor, Excel Home Mart Building, 520 Kabar Aye  
Pagoda Road, Bahan, Yangon, Myanmar



## 澳大利亞

### 澳大利亞墨爾本菩提禪堂

電話：61-3-9879-8491 或 61-4-1081-8678

電郵：putiaustralia@gmail.com

地址：54 Charter Street, Ringwood, Vic 3134, Australia

## 其他網絡平台



金菩提宗師

[fb.com/JinBodhiWorld](https://fb.com/JinBodhiWorld)



金菩提宗師 YOUTUBE

[www.youtube.com/PutiHome](https://www.youtube.com/PutiHome)



菩提禪修官方網站

[www.puti.org](https://www.puti.org)



八卦內功 YOUTUBE

[www.youtube.com/EnergyBagua](https://www.youtube.com/EnergyBagua)



八卦內功官方網站

[www.energy-bagua.com](https://www.energy-bagua.com)



# 菩提法門經典

---

版權所有© 菩提樹製作有限公司

2021年6月 電子書初版

欲助印經典者，請洽各地菩提禪堂



般若波羅蜜多心經

觀自在菩薩以深般若波羅蜜多時照見  
五蘊皆空度一切苦厄舍利子色不異空  
空不異色色即是空空即是色受想行識  
亦復如是舍利子是諸法空相不生不滅  
不垢不淨不增不減是故空中無色  
無受想行識無眼耳鼻舌身之意無色  
聲香味觸法無眼界乃至無意識界  
無無明無無明盡乃至無老死無老死

死盡無業集滅道無者忘無得無所以無所以得  
故業提薩埵依般若波羅奢多故心  
無罣碍無罣碍的故無有恐怖遠離顛  
倒夢想究竟涅槃三世諸佛依般若  
波羅奢多故得阿耨多羅三藐三菩提故  
知般若波羅奢多是大神咒是大明咒是  
无上咒是無等等咒能除一切業惑實不  
虛故說般若波羅奢多咒即說咒曰揭諦  
揭諦波羅揭諦波羅僧揭諦菩提薩婆訶

般若波羅蜜多心經

觀自在菩薩以深般若波羅蜜多時照見  
五蘊皆空度一切苦厄舍利子色不異空  
空不異色色即是空空即是色受想行識  
亦復如是舍利子是諸法空相不生不滅  
不垢不淨不增不減是故空中無色  
無受想行識無眼耳鼻舌身之意無色  
聲香味觸法無眼界乃至無意識界  
無無明無無明盡乃至無老死無老死



菩提法門

BODHI DHARMA